

四庫全書薈要

• 乾隆御覽本

史部

欽定四庫全書薈要卷三千五百八十一

史部

史記卷三

漢 太 史 令司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

殷本紀第三

殷契

索隱契始封商其後裔盤庚遷殷殷在鄴南遂爲天下號契是殷家始祖故言殷契正義括地志云

相州安陽本盤庚所都即北冢殷墟南去朝歌城百四
十六里竹書紀年云盤庚自奄遷北冢曰殷墟南去鄴四
十里是舊都城西南三十里有洹水南岸三里有安陽
城西有城名殷墟所謂北冢者也今按洹水在相州北
四里安陽城

母曰簡狄

索隱狄舊本作易音同又作邊吐歷反

有娥氏之

女

集解駟案淮南子曰有娥在不周之北正義按記云桀敗於有娥之墟有娥當在蒲州也

爲帝嚳

次妃三人行浴見玄鳥墮其卵簡狄取吞之因孕生契

索隱譙周云契生堯代舜始舉之必非嚳子以其父微故不著名其母娥氏女與宗婦三人浴于川玄鳥遺卵簡狄吞之則簡狄非帝嚳次妃明也契長而佐禹治水有功帝舜乃命契

曰百姓不親五品不訓汝爲司徒而敬敷五教五教在

寬封於商

集解鄭玄曰商國在太華之陽皇甫謐曰今上洛商是也索隱堯封契於商即詩商頌云

有城方將帝立子生商是也正義括地志云商州東八十里商洛縣本商邑古之商國帝嚳之子高所封也

賜姓子氏

集解駉案禮緯曰祖以玄鳥生子也正義括地志云故子城在渭州華城縣東北八十里

蓋子姓之別邑

契興於唐虞大禹之際功業著於百姓百姓以

平契卒子昭明立昭明卒子相土立

集解宋忠曰相土就契封於商春秋

左氏傳曰閼伯居商邱相土因之索隱相土佐夏功著於商詩頌曰相土烈烈海外有截是也左傳曰昔陶唐氏火正閼伯居商邱相土因之是始封商也正義括地志云宋州城古閼伯之墟即商邱也又云羿所封之地

相土卒子昌若立昌若卒子曹圉立

索隱系本作糧圉也曹圉卒

正義園音

子冥立

集解宋忠曰冥爲司空勤其官事死語出系本

官而水死殷人

冥卒子振立

索隱系本作核

振卒子微立

索隱皇甫

祖契而郊冥也

謚云微字上甲其母以甲日生故也商家生子以日爲名蓋自微始譙周以爲死稱廟主曰甲也

微卒

子報丁立報丁卒子報乙立報乙卒子報丙立報丙卒

子主壬立主壬卒子主癸立主癸卒子天乙立是爲成

湯

集解張晏曰禹湯皆字也二王去唐虞之文從高陽之質故夏殷之王皆以名爲號謚法曰除虐去殘曰

湯索隱湯名履書曰予小子履是也又稱天乙者譙周云夏殷之禮生稱王死稱廟主皆以帝名配之天亦帝也殷人尊湯故曰天乙從契至湯凡十四代故國語曰玄王勤商十四代興玄王契也

成湯自契

至湯八遷

集解孔安國曰十四世凡八徙國都

湯始居亳

集解皇甫謐曰梁國穀熟爲南

亳即湯都也正義括地志云宋州穀熟縣西南三十五里南亳故城即南亳湯都也宋州北五十里大蒙城爲

景亳湯所盟地因景山爲名河南偃師

爲西亳帝嚳及湯所都盤庚亦徙都之從先王居

集解孔安

國曰契父帝嚳都亳湯自商丘遷焉故曰從先王居正

義按亳偃師城也商丘宋州也湯即位都南亳後徙西

亳也括地志云亳邑故城在洛州偃師

縣西十四里本帝嚳之墟商湯之都也作帝誥

索隱一作倬上

云從先王居故作帝倬孔安國以

爲作誥告先王言已來居亳也湯征諸侯

集解孔安國曰爲夏

方伯得

專征伐葛伯不祀湯始伐之

集解駟案孟子曰湯居亳與葛伯爲鄰地理志曰葛

今梁國寧

陵之葛鄉湯曰予有言人視水見形視民知治不伊尹

曰明哉言能聽道乃進君國子民爲善者皆在王官勉

哉勉哉湯曰汝不能敬命予大罰殛之無有攸赦作湯

征伊尹名阿衡

索隱孫子兵書伊尹名摯孔安國亦曰伊摯然解者以阿衡爲官名按阿倚也

衡平也言依倚而取平書曰惟嗣王弗惠于阿衡亦曰

保衡皆伊尹之官號非名也皇甫謐云伊尹力牧之後

生於空桑又呂氏春秋云有仇氏女採桑得嬰兒于

空桑母居伊水命曰伊尹尹正也謂湯使之正天下

衡欲干湯而無由乃爲有莘氏媵臣

集解駟案列女傳曰湯妃有莘氏之

女正義括地志云古莘國在汴州陳留縣東五里故莘

城是也陳留風俗傳云陳留外黃有莘昌亭本宋地莘

氏邑也媵蚘剝反

負鼎俎以滋味說湯致于王道或曰

爾雅云媵將送也

伊尹處士湯使人聘迎之五反然後肯往從湯言素王

及九主之事

集解駢案劉向別錄曰九主者有法君專君授君勞君等君寄君破君國君三歲社

君凡九品圖畫其形索隱按素王者太素上皇其道質素故稱素王九主者三皇五帝及夏禹也或曰九主謂九皇也然按註劉向所稱九主載之七錄名稱甚奇不知所憑據耳法君謂用法嚴急之君若秦孝公及始皇等也勞君謂勤勞天下若禹稷等也等君等者平也謂定等威均祿賞若高祖封功臣侯雍齒也授君謂人君不能自理而政歸其臣若燕王噲授子之禹授益之比也專君謂專己獨斷不任賢臣若漢宣之比也破君謂輕敵致寇國滅君死若楚戊吳濞等是也寄君謂人因於下主驕於上離析可待故孟軻謂之寄君也國君國當爲固字之訛耳固謂完城郭利甲兵而不降德若三苗智伯之類也三歲社君謂在襁褓而主社稷若周成

王漢昭平等是也又註本九主謂法君勞君等君專君授君破君國君以三歲社君爲二恐非湯舉任

以國政伊尹去湯適夏既醜有夏復歸于亳入自北門

遇女鳩女房作女鳩女房

集解孔安國曰鳩房二人湯之賢臣也二篇言所以醜夏

而還之意也

湯出見野張網四面祝曰自天下四方皆入吾

網湯曰嘻盡之矣乃去其三面祝曰欲左左欲右右不

用命乃入吾網諸侯聞之曰湯德至矣及禽獸當是時

夏桀爲虐政淫荒而諸侯昆吾氏爲亂

正義帝嚳時陸終之長於夏臺

子昆吾氏之後也世本云昆吾者衛氏是

湯乃興師率諸侯伊尹從湯湯自

把鉞以伐昆吾遂伐桀湯曰格汝衆庶來女悉聽朕言

匪台小子

集解馬融曰台我也

敢行舉亂有夏多罪予維聞女衆

言夏氏有罪予畏上帝不敢不正

集解孔安國曰不敢不正桀之罪而誅之

今夏多罪天命殛之今女有衆女曰我君不恤我衆舍

我嗇事而割政

集解孔安國曰奪民農功而爲割剝之政

女其曰有罪其奈

何夏王率止衆力率奪夏國

集解孔安國曰桀之君臣相率遏止衆力使不得事

農相率割剝夏之邑居

有衆率怠不和

集解馬融曰衆民相率怠惰不和同

曰是日

何時喪予與女皆亡

集解駰案尚書大傳曰桀云天之有日猶吾之有民日有亡哉日亡

吾亦亡矣

夏德若茲今朕必往爾尚及予一人致天之罰予

其大理女

集解駟案尚書理字作賚鄭玄曰賚賜也

女母不信朕不食言

索隱

左傳云食言多矣能無肥乎是謂妄言爲食言

女不從誓言予則帑僇女無有

攸赦以告令師作湯誓於是湯曰吾甚武號曰武王

集解

駟案詩云武王載旆有虔秉鉞毛傳曰武王湯也

桀敗於有娥之虛桀犇於鳴

條

正義括地志云高涯原在蒲州安邑縣北三十里南坡口即古鳴條陌也鳴條戰地在安邑西

夏師

敗績湯遂伐三爰俘厥寶玉

集解孔安國曰三爰國名桀走保之今定陶也俘取

也正義括地志云曹州濟陰縣即古定陶也東有三醴亭是也

義伯仲伯作典寶

集解孔安

國曰二臣作典實一篇言國之常實也

湯既勝夏欲遷其社不可

集解孔安國曰

欲變置社稷而後世無及句龍者故不可而止

作夏社

集解孔安國曰言夏社不可遷之義

伊尹

報

集解徐廣曰一云伊尹報政

於是諸侯服湯乃踐天子位平定海

內湯歸至于泰卷陶

集解徐廣曰一無此陶字孔安國曰地名湯自三爰而還索隱鄒誕

生卷作餉又作洞則卷當爲垆與尚書同非衍字也其

下陶字是衍耳何以知然解尚書者以大垆今定陶是

也舊本或傍記其地名後人轉

中囂作誥

集解孔安國曰仲虺湯左

寫遂衍斯字也正義垆古銘反

相奚仲之後索隱仲虺二音

既紂夏命

集解孔安國曰紂其王命

作壘音如字尚書又作虺也

還亳作湯誥維三月王自至于東郊告諸侯羣后母不

有功於民勤力迺事予乃大罰殛女母予怨曰古禹臯

陶久勞于外其有功乎民民乃有安東爲江北爲濟西

爲河南爲淮四瀆已脩萬民乃有居后稷降播農殖百

穀三公咸有功于民故后有立

集解徐廣曰一作土索
隱謂禹臯陶有功於人

建立其後
故云有立

昔蚩尤與其大夫作亂百姓帝乃弗予

音

有

狀索隱帝天也謂蚩尤作亂上天乃不佑之是爲
弗與有狀言其罪大而有形狀故黃帝滅之

先王

言不可不勉

索隱先王指黃帝帝堯帝舜等言禹咎繇
以久勞于外故後有立及蚩尤作亂天不

佑之乃致黃帝滅之皆是先王賞有功
誅有罪言今汝不可不勉此湯誡其臣

曰不道母之在

國

集解徐廣曰之一作政索隱不道猶無道也又誠諸侯云汝爲不道我則無令汝之在國

女毋我

怨以令諸侯伊尹作咸有一德

集解王肅曰言君臣皆有一德索隱按尚書伊

尹作咸有一德在太甲時太史公記之於斯謂成湯之日其言又失次序

咎單作明居

集解馬融

曰咎單湯司空

也明居民之法

湯乃改正朔易服色上白朝會以畫湯

崩

集解駰案皇覽曰湯冢在濟陰亳縣北東郭去縣三里冢四方方各十步高七尺上平處平地漢哀帝建

平元年大司空御史長卿案行水災因行湯冢劉向曰殷湯無葬處皇甫謐曰即位十七年而踐天子位爲天子十三年年百歲而崩索隱長卿諸本皆作劫姓按風俗通有御氏爲漢司空御史其名長卿明劫非也亦有劫彌不得爲御史正義括地志云薄城北郭東三里平地有湯冢按在蒙即北薄也又云洛州偃師縣東六里

有湯冢近桐宮蓋此是也

太子太丁未立而卒於是廼立太丁之弟

外丙是爲帝外丙即位二年崩立外丙之弟中

壬是爲帝中壬

正義仲任二音

帝中壬即位四年崩伊尹廼立

太丁之子太甲

正義尚書孔氏序云成湯既沒太甲元年不言有外丙仲壬而太史公採世本

有外丙仲壬二書不同當是信則傳信疑則傳疑

太甲成湯適長孫也是爲帝

太甲帝太甲元年伊尹作伊訓作肆命作徂后

集解鄭玄曰肆

命者陳政教所當爲也徂后者言湯之法度也

帝太甲既立三年不明暴虐不

遵湯法亂德於是伊尹放之於桐宮

集解孔安國曰湯葬地鄭玄曰地名

也有王離宮焉正義晉太康地記云尸鄉南有亳坂東有城太甲所放處也按尸鄉在洛州偃師縣西南五里也

三年伊尹攝行政當國以朝諸侯帝太甲居桐宮三

年悔過自責反善於是伊尹迺迎帝太甲而授之政帝

太甲脩德諸侯咸歸殷百姓以寧伊尹嘉之迺作太甲

訓三篇褒帝太甲稱太宗太宗崩子沃丁立帝沃丁之

時伊尹卒既葬伊尹於亳集解駟案皇覽曰伊尹冢在濟陰己氏平利鄉亳近己氏

正義括地志云伊尹墓在洛州偃師縣西北八里又云宋州楚邱縣西北十五里有伊尹墓恐非也帝王世紀

伊尹名摯爲湯相號阿衡年百歲卒天霧三日沃丁以天子禮葬之咎單遂訓伊尹事作

沃丁沃丁崩弟太庚立是爲帝太庚帝太庚崩子帝小

甲立

集解徐廣曰世表云帝小甲太庚弟也

帝小甲崩弟雍已立是爲帝

雍已殷道衰諸侯或不至帝雍已崩弟太戊立是爲帝

太戊帝太戊立伊陟爲相

集解孔安國曰伊陟伊尹之子

毫有祥桑穀

共生於朝一暮大拱

集解孔安國曰祥妖怪也二木合生不恭之罰鄭玄曰兩手握之曰

拱索隱此云一暮大拱尚書大傳作七日大拱與此不同

帝太戊懼問伊陟伊陟曰

臣聞妖不勝德帝之政其有闕與帝其修德太戊從之

而祥桑枯死而去

索隱劉伯莊言枯死而消去不見今以爲由帝修德而妖祥遂去

伊

陟贊言于巫咸

集解孔安國曰贊告也巫咸臣名也正義按巫咸及子賢冢皆在蘇州常熟縣

西海虞山上蓋

二子本吳人也

巫咸治王家有成作咸父

集解馬融曰艾治也

作

太戊帝太戊贊伊陟于廟言弗臣伊陟讓作原命

集解馬融

曰原臣名也命原以禹湯之道我所修也

殷復興諸侯歸之故稱中宗中宗

崩子帝仲丁立帝仲丁遷于囂

集解孔安國曰地名皇甫謐曰或云河南敖倉

是索隱囂亦作囂並音敖正義括地志云滎陽故城在鄭州滎澤縣西南十七里殷時敖地也

河亶甲

居相

集解孔安國曰地名在河北正義括地志云故殷城在相州內黃縣東南十三里即河亶甲所築都

之故名

祖乙遷于邢

索隱邢音耿近代本亦作耿今河東皮氏縣有耿鄉正義括地志云

絳州龍門縣東南十里耿城故耿國也帝仲丁崩弟外壬立是爲帝外壬

仲丁書闕不具

索隱蓋太史公知舊有仲丁書今已遺闕不具也

帝外壬崩弟

河亶甲立是爲帝河亶甲河亶甲時殷復興衰河亶甲崩

子帝祖乙立帝祖乙立殷復興巫賢任職祖乙崩子帝

祖辛立帝祖辛崩弟沃甲立是爲帝沃甲

索隱系本作開甲也

帝

沃甲崩立沃甲兄祖辛之子祖丁是爲帝祖丁帝祖丁

崩立弟沃甲之子南庚是爲帝南庚帝南庚崩立帝祖

丁之子陽甲是爲帝陽甲帝陽甲之時殷衰自中丁以

來廢適而更立諸弟子弟子或爭相代立比九世亂於

是諸侯莫朝帝陽甲崩弟盤庚立是爲帝盤庚帝盤庚

之時殷已都河北盤庚渡河南復居成湯之故居廼五

遷無定處

集解孔安國曰自湯至盤庚凡五遷都正義湯自南亳遷西亳仲丁遷敖河亶甲居相祖

乙居耿盤庚渡河南

居西亳是五遷也

殷民咨胥皆怨不欲徙

集解孔安國曰胥相

也民不欲徙皆咨嗟

憂愁相與怨其上也

盤庚乃告諭諸侯大臣曰昔高后

成湯與爾之先祖俱定天下法則可修舍而弗勉何以

成德乃遂涉河南治亳

集解鄭玄曰治于亳之殷地商家自此徙而改號曰殷亳皇甫

謚曰今偃
師是也

行湯之政然後百姓由寧殷道復興諸侯來

朝以其遵成湯之德也帝盤庚崩弟小辛立是爲帝小

辛帝小辛立殷復衰百姓思盤庚廼作盤庚三篇

索隱尚書

盤庚將治亳殷民咨胥怨作盤庚此以盤庚崩弟小辛立百姓思之乃作盤庚由不見古文也

帝小辛

崩弟小乙立是爲帝小乙帝小乙崩子帝武丁立帝武

丁即位思復興殷而未得其佐三年不言政事決定於

冢宰

集解鄭玄曰冢宰天官卿貳王事者

以觀國風武丁夜夢得聖人名

曰說以夢所見視羣臣百吏皆非也於是廼使百工營

求之野得說於傳險中

集解徐廣曰尸子云傳巖在北海之洲索隱舊本作險亦作巖

也正義地理志云傳險即傳說版築之處所隱之處窟名聖人窟在今陝州河北縣北七里即虞國虢國之界

又有傳說祠注水經云沙澗水北虞山南經傳巖傳說隱室前俗名聖人窟

是時說爲胥靡

築於傳險

集解孔安國曰傳氏之巖在虞虢之界通道所經有澗水壞道常使胥靡刑人築護此道

說賢而隱代胥靡築之以供食也

見於武丁武丁曰是也得而與之語

果聖人舉以爲相殷國大治故遂以傳險姓之號曰傅

說帝武丁祭成湯明日有飛雉登鼎耳而鳴

正義音構鳴也

詩云雉之朝鳴

武丁懼祖已曰

集解孔安國曰賢臣名

王勿憂先修政事

祖已乃訓王曰唯天監下典厥義

集解孔安國曰言天視下民以義爲常也

降年有永有不永非天天民中絕其命民有不若德不

聽罪天既附命正厥德

集解孔安國曰不順德言無義也不服罪不改修也天以信命

正其德謂其有永有不永索隱附依尚書音孚

乃曰其奈何嗚呼王嗣敬民罔

非天繼常祀毋豐于棄道

集解孔安國曰王者主民當敬民事民事無非天所嗣

常也祭祀有常不當特豐於近也索隱祭祀有常無爲豐殺之禮於是以致棄常道

武丁修政行

德天下咸驩殷道復興帝武丁崩子帝祖庚立祖己嘉

武丁之以祥雉爲德立其廟爲高宗遂作高宗彤日及

訓

集解孔安國曰祭之明日又祭殷曰彤周曰繹

帝祖庚崩弟祖甲立是爲帝

甲帝甲淫亂殷復衰

索隱國語曰帝甲亂之七代而履是也

帝甲崩子帝

廩辛立

索隱漢書古今人表及帝王代紀皆作憑辛

帝廩辛崩弟庚丁立是

爲帝庚丁帝庚丁崩子帝武乙立殷復去亳徙河北帝

武乙無道爲偶人

索隱偶音寓亦如字正義偶五苟反偶對也以土木爲人對象於人形也

謂之天神與之博令人爲行

正義爲于僞反行胡孟反

天神不勝乃

僂辱之爲革囊盛血仰而射之命曰射天武乙獵於河

渭之間暴雷武乙震死子帝太丁立帝太丁崩子帝乙

立帝乙立殷益衰帝乙長子曰微子啟

索隱微國號爵爲子啟名也孔

子家語云微或作魏讀從微音鄒本亦然也

啟母賤不得嗣

索隱此以啟與紂異母而鄭玄

稱爲同母依呂氏春秋言母當生啟時猶未正立及生紂時始正爲妃故啟大而庶紂小而嫡

少子辛

辛母正后辛爲嗣帝乙崩子辛立是爲帝辛天下謂之

紂

集解駟案謚法曰紂殘義損善曰紂

帝紂資辨捷疾聞見甚敏材力過

人手格猛獸

正義帝王世紀云紂倒曳九牛撫梁易柱也

知足以距諫言足

以飾非矜人臣以能高天下以聲以爲皆出已之下好

酒淫樂嬖於婦人愛妲己

集解皇甫謐曰有蘇氏美女索隱國語有蘇氏女妲字己

也姓
也姐已之言是從於是使師涓作新淫聲北里之舞靡

靡之樂厚賦稅以實鹿臺之錢

集解如淳曰新序曰鹿臺其大三里高千尺瓚

曰鹿臺臺名今在朝歌城中正義括

地志云鹿臺在衛縣西南二十二里

而盈鉅橋之粟

集解

服虔曰鉅橋倉名許慎曰鉅鹿水之大橋有漕粟也索

隱邵誕生云鉅犬橋器名也紂厚賦稅故因器而大其

名

益收狗馬奇物充仞宮室益廣沙丘苑臺

集解駟案爾雅曰池

邈沙丘也地理志曰在鉅鹿東北七十里正義括地志

云沙丘臺在邢州平鄉東北二十里竹書紀年云自盤

庚徙殷至紂之滅二百七十五年更不徙都紂時稍

多

大其邑南距朝歌北據邯鄲及沙丘皆爲離宮別館

取野獸蜚鳥置其中慢於鬼神大最樂戲於沙丘

集解徐廣

曰霰一
作聚
以酒爲池

正義括地志云酒池在衛州衛縣西
二十三里太公六韜云紂爲酒池迴

船糟丘而牛飲者
三千餘人爲輩

縣肉爲林

正義縣
戶眠反

使男女僕

正義胡
瓦反

相逐其間爲長夜之飲百姓怨望而諸侯有畔者於是

紂乃重辟刑有炮烙之法

集解駟案列女傳曰膏銅柱
下加之炭令有罪者行焉輒

墮炭中姐已笑名曰炮烙之刑索隱鄒誕生烙一音閣
又云見蟻布銅斗足廢而死於是爲銅烙炊炭其下使

罪人步其上與

以西伯昌九侯

集解徐廣曰一作鬼侯
鄴縣有九侯城索隱九

列女傳少異

亦依字讀鄒誕生音仇也正義括地志云相州滏陽縣
西南五十里有九侯城亦名鬼侯城蓋殷時九侯城也

鄂侯

集解徐廣曰一作邢
音于野王縣有邢城

爲三公九侯有好女入之紂

九侯女不熹淫

集解徐廣曰一云無不熹淫

紂怒殺之而醢九侯鄂

侯爭之彊辨之疾并脯鄂侯西伯昌聞之竊歎崇侯虎

知之以告紂紂囚西伯羑里

集解駟案地理志曰河內湯陰有羑里城西伯所拘

處韋昭曰音酉正義臚一作羑音酉羑城在相州湯陰

縣北九里紂囚西伯城也帝王世紀云囚文王文王之

長子曰伯邑考實於殷爲紂御紂烹爲羑賜文王曰聖人當不食其子羑文王食之紂曰誰謂西伯聖者食其

子羑尚不知也

西伯之臣閼夭之徒求美女奇物善馬以獻紂

紂乃赦西伯西伯出而獻洛西之地以請除炮烙之刑

正義洛水一名漆沮水在同州洛西之地謂洛西及丹坊等州也

紂乃許之賜弓矢斧

鉞使得征伐爲西伯而用費中爲政

正義費音扶味反
中音仲費姓仲名

費中善諛好利殷人弗親紂又用惡來

索隱秦之
祖蜚廉子

惡來

善毀讒諸侯以此益疏西伯歸乃陰脩德行善諸侯多

叛紂而往歸西伯西伯滋大紂由是稍失權重王子比

干諫弗聽商容賢者百姓愛之紂廢之及西伯伐飢國

滅之

集解徐廣曰飢
一作飢又作者

紂之臣祖伊

集解孔安國曰
祖已後賢臣也

聞之

而咎周

集解孔安國
曰咎惡也

恐奔告紂曰天既訖我殷命假人

元龜

集解徐廣曰
元一作卜

無敢知吉

集解馬融曰元龜大龜也
長尺二寸孔安國曰至人

以人事觀殷大龜以神
靈考之皆無知吉者

非先王不相我後人

集解孔安國曰相助

也

維王淫虐用自絕故天棄我不有安食不虞知天性

不迪率典

集解鄭玄曰王暴虐於民使不得安食逆天陰陽不度天性傲很明德不修教法者

今

我民罔不欲喪曰天曷不降威大命胡不至今王其奈

何紂曰我生不有命在天乎祖伊反曰紂不可諫矣西

伯既卒周武王之東伐至盟津諸侯叛殷會周者八百

諸侯皆曰紂可伐矣武王曰爾未知天命乃復歸紂愈

淫亂不止微子數諫不聽乃與太師少師謀遂去比干

曰爲人臣者不得不以死爭迺強諫紂紂怒曰吾聞聖

人心有七竅剖比干觀其心

正義括地志云比干見微子去箕子狂乃嘆曰主過

不諫非忠也畏死不言非勇也過則諫不用則死忠之至也進諫不去者三日紂問何以自持比干曰修善行

仁以義自持紂怒曰吾聞聖人心有七竅信諸遂殺比干剖視其心也

箕子懼乃佯狂爲

奴紂又囚之殷之太師少師乃持其祭樂器奔周周武

王於是遂率諸侯伐紂紂亦發兵距之牧野

集解鄭玄曰牧野紂

南郊地名也正義括地志云今衛州城即殷牧野之地周武王伐紂築也

甲子日紂兵敗紂

走入登鹿臺

集解徐廣曰鹿一作廩

衣其寶玉衣赴火而死

正義周書

云紂取天智玉琰
五環身以自焚

周武王遂斬紂頭縣之白旗殺妲己

釋箕子之囚封比干之墓表商容之間

索隱皇甫謐云商容與殷人觀

周軍之入則以爲人名鄭玄云商家樂官知禮容所以禮署稱容臺

封紂子武庚祿父以

續殷祀

集解譙周曰殷凡三十一世六百餘年汲冢紀年曰湯滅夏以至于受二十九王用歲四百九

十六年也

令修行盤庚之政殷民大說於是周武王爲天子

其後世貶帝號號爲王

索隱按夏殷天子亦皆稱帝代以德薄不及五帝始貶帝號號

之爲王故本紀皆帝而後總曰三王也

而封殷後爲諸侯屬周

正義卽武庚祿父也

周武王崩武庚與管叔蔡叔作亂成王命周公誅之而

立微子於宋以續殷後焉

太史公曰余以頌次契之事自成湯以來采於書詩契

爲子姓其後分封以國爲姓有殷氏來氏宋氏空桐氏

稚氏

索隱按系本
子姓無稚氏

北殷氏

索隱系本作髦氏又有時氏
蕭氏黎氏然北殷氏蓋秦寧

公所伐亳主
湯之後也

目夷氏孔子曰殷路車爲善而色尚白

索隱

論語孔子曰乘殷之路禮記曰殷人尚白
太史公爲贊不取成文遂作此語疎也

索隱述贊曰簡狄吞乙是爲殷祖玄王啟商伊尹負
組上開三面下獻九主旋師秦卷繼相臣扈遷囂地
耿不常厥土武乙無道禍因射天帝辛淫亂拒諫賊
賢九侯見醢炮烙興焉黃鉞斯仗白旗是懸哀哉瓊

室殷祀
用遷

史記卷三

史記卷三考證

殷本紀湯曰汝不能敬命○監本脫湯字今添

而諸侯昆吾氏爲亂正義帝嚳時陸終之長於夏臺子
昆吾氏之後也世本云昆吾者衛氏是○推尋文義
宜云陸終之長子封於昆吾夏之昆吾其後也又楚
世家集解引世本云昆吾者衛是也蓋言衛地本昆
吾國此氏字衍

湯遂伐三叟○尚書序作三朶

伊尹報於是諸侯服湯○一本作畢服湯一本作心服湯

作湯誥○王若虛辨惑曰維三月王自至於東郊云云今湯誥之書具在曷嘗有此遷何所據而載之也

伊尹作咸有一德咎單作明居○王若虛辨惑曰尚書湯誥篇末曰咎單在明居而咸有一德乃伊摯復政將歸時所陳在太甲三篇之下次第明甚不可亂也史記乃謂咸有一德作於湯時而列之湯誥之後明

居之前豈非誤歟

湯崩集解皇覽曰湯冢在濟陰亳縣北東郭○前漢志
濟陰郡無亳縣後漢志無濟陰郡梁國穀熟爲南亳
蒙爲北亳河南偃師爲西亳亳本非縣名皇覽是魏
時人作其所用必後漢地名此云在濟陰亳縣必有
誤

伊尹乃立太丁之子太甲○尚書疏曰據經序及太甲
之篇太甲必繼湯後而殷本紀云湯崩太子太丁未

立而卒於是乃立太丁之弟外丙二年崩別立外丙之弟仲壬四年崩伊尹乃立太丁之子太甲與經不同彼必妄也劉歆班固不見古文謬從史記皇甫謐既得此經作帝王世紀乃述馬遷之語是其疎也

臣

照

按外丙仲壬見於孟子不始於馬遷也古今諸儒斷斷如者祇以桐宮居憂遂謂太甲必繼成湯但安知其非爲帝仲壬服乎

迺作太甲訓三篇褒帝太甲○王若虛辨惑曰三篇之

書雖曰伊尹作然自始至終皆史氏所錄豈獨伊尹褒嘉而作乎

既葬伊尹於亳集解帝王世紀伊尹名摯爲湯相號阿衡年百歲卒天霧三日○尚書疏引帝王世紀水經注引皇覽皆作大霧三日

弟太戊立○困學紀聞曰太戊爲太甲之孫三代表云太戊小甲弟則亦是沃丁弟太甲子書正義謂本紀世表必有一誤

帝陽甲之時殷衰自中丁以來廢適而更立諸弟子弟
子或爭相代立比九世亂○皇王大紀曰以其世考
之自沃丁至陽甲立弟者九世中丁之名誤也

得說於傳險中正義注水經云沙澗水北虞山南經傳
巖○水經注本文作沙澗水北出虞山東南經傳巖
王嗣敬民罔非天繼常祀毋豐於棄道集解孔安國曰
王者主民當敬民事無非天時天時所常祀也○以
孔傳考之天時二字不複出

祖已嘉武丁之以祥雉爲德立其廟爲高宗遂作高宗
彤日及訓○困學紀聞曰與書序相違王若虛辨惑
曰考之於書此篇即祖已訓王之辭其曰高宗者史
氏追稱耳諸篇之體皆然而云武丁既沒祖已嘉之
而作謬矣且立廟稱宗自國家之事豈獨出祖已之
意哉高宗之訓乃書篇名自當全著而但云及訓此
復失之太簡矣

子帝太丁立○徐孚遠曰太丁重見疑誤

殷之太師少師乃持其祭樂器奔周○王若虛辨惑曰
尚書微子篇所謂太師少師即箕子比干也今乃言
奔同與書所載異矣而周紀又云紂殺王子比干囚
箕子太師疵少師強抱其樂器而奔周則遷所謂太
師少師者其樂工邪若殷紀所稱亦止於樂工則微
子何至與此輩謀決去就而此輩之奔亦爲何併持
祭器乎至宋世家則曰武王克殷微子持其祭器造
於軍門前後參差殆不可曉

封紂子武庚祿父以續殷祀集解汲冢紀年曰湯滅夏
以至於受二十九王用歲四百九十六年○前正義
引竹書紀年云自盤庚徙殷至紂之滅七百七十三
年更不徙都其相繆戾如此

史記卷三考證

謹案卷二第一頁後六行禹本汶山郡廣柔縣人
也刊本文訛汝據華陽國志改

第六頁前三行濟水出平原漯陰縣東刊本脫漯
字據漢書地理志增

第七頁前二行沂水出泰山蓋縣艾山刊本艾訛
汝據水經注改

第十三頁後四行沮水出北地直路縣刊本沮訛
澧據水經注改

第十四頁前二行垂山古文以為穀物刊本垂訛
華據漢書地理志改

第十四頁後三行今名小積石刊本石訛山今改
第十五頁前六行吳山在右扶風美陽縣西以地
理志考之當作吳山在右扶風汧縣西古文以
為汧山岐山在美陽縣西北有訛脫

第十五頁後四行底柱山俗名三門山在破石縣
東北五十里刊本脫柱字在字今增

第十五頁後五行析城山在澤州西南刊本山記
縣今改

第十六頁前四行太華即敦物山案漢書地理志
敦物乃垂山此索隱以太華當之誤

第十六頁後四行名立章山案地理志江夏竟陵
縣章山在東北無立字

第十七頁前一行駟案孔安國曰刊本作案國語曰
據尚書孔傳改

第十七頁前四行一名窮石山刊本石訛名今改
第十八頁前五行至華陰山北而東行案尚書孔
傳無陰字

第十八頁前八行孟津在河陽刊本陽訛陰據下
引十三州記改

第二十頁前五行又南當鞏之北南入於河刊本
北訛在南字之下據水經注改正

卷三第六頁前六行垆古銘反刊本垆訛陶今改

第十一頁後五行民事無非天所嗣常也刊本訛作無非天時天時所常嗣也據尚書孔傳改

第十二頁前八行子帝太丁立案太丁當依竹書紀年作文丁

第十三頁前七行二百七十五年刊本訛作七百七十三年據竹書紀年改

第十三頁後七行相州滏陽縣刊本滏訛洛據唐地理志改

總校官庶吉士
臣侍
校對官檢討
臣王鍾健
騰錄監生
臣左詢

總校官庶吉士

臣侍

朝

校對官檢討

臣

王鍾健

騰錄監生

臣左

詢

欽定四庫全書薈要

史部
史記卷四



詳校官主事銜臣徐以坤

欽定四庫全書薈要卷三千五百八十二

史部

史記卷四

漢 太 史 令司馬遷 撰

宋 中 郎外兵曹參軍裴 駟集解

唐 國子博士弘文館學士司馬貞索隱
唐 諸王侍讀率府長史張守節正義

周本紀第四

周后稷名棄

正義因太王所居周原因號曰周地理志云右扶風美陽縣岐山在西北中水鄉周太王所



邑括地志云故周城一名美陽城在雍州武功縣西北二十五里即太王城也其母有邠氏女

曰姜原

集解韓詩章句曰姜姓原字或曰姜原諡號也正義邠天來反亦作釐同說文云邠炎帝之後

姜姓封邠周棄外家

姜原爲帝嚳元妃

索隱譙周以爲棄帝嚳之胄其父亦不著與此紀異

也姜原出野見巨人跡心忻然說欲踐之踐之而身動

如孕者居期而生子以爲不祥棄之隘巷

索隱已下皆詩大雅生民

篇所云誕寘之隘巷牛羊腓字之誕寘之平林會伐平林誕寘之寒水鳥覆翼之是其事也

馬牛過

者皆辟不踐徙置之林中適會山林多人遷之而棄渠

中冰上飛鳥以其翼覆薦之姜原以爲神遂收養長之

初欲棄之因名曰棄棄爲兒時屹如巨人之志其遊戲

好種樹麻菽麻菽美及爲成人遂好耕農相地之宜宜

穀者稼穡焉

正義種曰稼畝曰穡

民皆法則之帝堯聞之舉棄爲

農師天下得其利有功帝舜曰棄黎民始饑

集解徐廣曰今文尚

書云祖飢故此作始飢祖始也

爾后稷播時百穀封棄於郃

集解徐廣曰今釐鄉

在扶風索隱即詩生民曰有郃家室是也郃即釐古今字異耳正義括地志云故釐城一名武功城在雍州縣

西南二十二里古郃國后稷所封也有后稷及姜原祠毛萇云郃姜原國也后稷所生堯見天因郃而生后稷

故因封號曰后稷別姓姬氏

集解禮緯曰祖以履大跡而生

后稷之興

在陶唐虞夏之際皆有令德后稷卒

集解駟案山海經大荒經曰黑水青

水之間有廣都之野后稷葬焉

子不窋立

索隱帝王世紀云后稷納

姑氏生不窋而譙周按國語云世后稷以服事虞夏言世稷官是失其代數也若不窋親棄之子至文王千餘歲唯十四代亦不合事情正義括地志云不窋故城在慶州弘化縣南三里即不窋在戎狄所居之城也毛詩疏云虞及夏殷共有千二百歲每世在位皆八十年乃可充其數耳命之短長古今一也而使十五世君在位皆八十許載子必將老始生不近人情之甚以理而推寔難據信也

不窋末年夏后氏政

衰去稷不務

集解韋昭曰夏太康失國廢稷之官不復務農索隱國語曰棄稷不務此云去稷者

是太史公恐棄是后稷之名故變文云去也言夏政衰不窋去稷官不復務農者也不窋以失其

官而犇戎狄之間不窋卒子鞠立鞠卒子公劉立公劉

雖在戎狄之間復修后稷之業務耕種行地宜自漆沮

渡渭取材用

正義公劉徙漆縣漆水南渡渭水至南山取材木為用也括地志云幽州新平縣即

漢漆縣也漆水在岐州普

閏縣東岐山漆水東入渭行者有資居者有畜積民賴

其慶百姓懷之多徙而保歸焉周道之興自此始故詩

人歌樂思其德

索隱即詩大雅篇篤公劉是也

公劉卒子慶節立國於

幽

集解徐廣曰新平漆縣之東北有幽亭索隱幽即邠也古今字異耳正義括地志云幽州新平縣即漢漆

沮縣詩幽國公

劉所邑之地也慶節卒子皇僕立皇僕卒子差弗立差

弗卒子毀隃立

集解音踰世本作榆
索隱世本作偽榆

毀隃卒子公非立

索隱世本作公非辟方皇

甫謚云公非字辟方也

公非卒子高圉立

集解宋忠
曰高圉能

率稷者也周人報之索

高圉卒子亞圉立

集解系本云
亞圉雲都皇

隱世本云高圉侯侔

甫謚云雲都亞圉字索隱漢書古今表曰雲都亞圉

弟按如此說則辟方侯侔亦皆二人之名實未能詳亞

圉卒子公叔祖類立

索隱世本云太公組紺諸盤三代
世表稱叔類凡四名皇甫謚云公

祖一名組紺諸盤字
叔類號曰太公也

公叔祖類卒子古公亶父立古公

亶父復修后稷公劉之業積德行義國人皆戴之薰育

戎狄攻之欲得財物予之已復攻欲得地與民民皆怒

欲戰古公曰有民立君將以利之今戎狄所爲攻戰以

吾地與民民之在我與其在彼何異民欲以我故戰殺

人父子而君之予不忍爲乃與私屬遂去豳度漆沮

集解

徐廣曰水在杜陽岐

山杜陽縣在扶風

踰梁山正義括地志云梁山在雍州好畤縣西北十八里鄭

玄云岐山西南然則梁山橫長其東當陽西北

止於岐

臨河其西當岐山東北自豳適周當踰之矣

下集解徐廣曰岐山在扶風美陽西北其南有周

原駟案皇甫謐云邑於周地故始改國曰周

舉國扶老攜弱盡復歸古公於岐下及他旁國聞古公

仁亦多歸之於是古公乃貶戎狄之俗而營築城郭室

屋而邑別居之

集解徐廣曰分別而為邑落也

作五官有司

集解駉案禮記曰天

子之五官曰司徒司馬司空司士司寇典司五衆鄭玄曰此殷時制

民皆歌樂之頌其德

索隱即詩頌云后稷之孫實維

古公有長子曰太伯次

太王居岐之陽實始翦商是也

曰虞仲太姜

正義國語注齊許申呂四國皆姜姓也四岳之後太姜之家太姜太王之妃王季之

母

生少子季歷季歷娶太任

集解列女傳太姜有邵氏女太任摯任氏中女正義

國語摯疇二國任姓奚仲仲虺之後

皆賢婦人

正義列女傳云

太任之家太任王季之妃文王母也

太姜太王娶以為妃生太伯仲雍王季太姜有色而貞

順率導諸子至於成童靡有過失太王謀事必於太姜

遷徙必與太任王季娶以為妃太任之性端壹誠莊維

德之行及其有身目不視惡色耳不聽淫聲口不出傲

言能以胎教子而生
文王此皆有賢行也

生昌有聖瑞

正義尚書帝命驗云
季秋之月甲子赤爵

銜丹書入於鄴止於昌戶其書云敬勝怠者吉怠勝敬者滅義勝欲者從欲勝義者凶凡事不強則不枉不敬則不正枉者廢滅敬者萬世以仁得之以仁守之其量百世以不仁得之以仁守之其量十世以不仁得之不仁守之不及其
世此蓋聖瑞

古公曰我世當有興者其在昌乎長子

太伯虞仲知古公欲立季歷以傳昌乃二人亡如荆蠻

文身斷髮

正義應劭曰常在水中故斷其髮
文其身以象龍子故不見傷害

以讓季歷

正義太伯奔吳所居城在蘇州北五十里常州無錫縣界梅里村其城及冢見存而云亡荆蠻者楚滅越其地屬楚秦滅楚其地屬秦秦諱楚改曰荆故通號
吳越之地為荆及北人書史加云蠻勢之然也

古公卒

季歷立是爲公季公季修古公遺道篤於行義諸侯順

之公季卒

集解皇甫謐曰
葬鄠縣之南山

子昌立是爲西伯西伯曰文

王正義帝王世紀云文王龍顏虎眉身長十尺有四乳
雄書靈聽云蒼帝姬昌日角鳥鼻高長八尺二寸聖

智慈理也遵后稷公劉之業則古公公季之法篤仁敬老慈

少禮下賢者日中不暇食以待士士以此多歸之伯夷

叔齊在孤竹

集解應劭曰在遼西令支正義括地志云
孤竹故城在平州盧龍縣南十二里殷時

諸侯孤竹國
也姓墨氏也

聞西伯善養老盡往歸之太顛閎夭散宜

生鬻子辛甲大夫之徒皆往歸之

集解駟案劉向別錄
曰鬻子名熊封於楚

辛甲故殷之臣事紂蓋七十五諫而不聽去至周召公與語賢之告文王文王親自迎之以為公卿封長子長子今上黨所治縣是也

崇侯虎譖西伯於殷紂曰西伯積善累德

諸侯皆嚮之將不利於帝帝紂乃囚西伯於羑里閔天

之徒患之乃求有莘氏美女

正義括地志云古契國城在同州河西縣南二十里

世本云莘國姒姓夏禹之後即散宜生等求有莘美女獻紂者驪戎之文馬

正義括地志云驪戎

故城在雍州新豐縣東南十六里殷周時驪戎國城也按駿馬赤鬣縞身目如黃金文王以獻紂也

有熊

九馬

正義括地志云鄭州新鄭縣本有熊氏之墟也按九駟三十六匹馬也

他奇怪物因

殷嬖臣費仲而獻之紂紂大悅曰此一物足以釋西伯

况其多乎

索隱一物謂新氏之美女也

乃赦西伯賜之弓矢斧鉞使

西伯得征伐曰譖西伯者崇侯虎也西伯乃獻洛西之

地以請紂去炮烙之刑紂許之西伯陰行善諸侯皆來

決平於是虞芮之人

集解駟案地理志虞在河東大陽縣芮在馮翊臨晉縣正義括地志

云故虞城在陝州河北縣東北五十里虞山之上古虞國也故芮城縣西二十里古芮國也晉太康地記云虞西百四十里有芮城括地志云又開原在河北縣西六十五里詩云虞芮質厥成毛萇云虞芮之君相與爭田久而不平乃相謂曰西伯仁人盍往質焉乃相與朝周二國君相謂曰我等小人不可履君子之庭乃相讓所爭地以為開原至今尚在注引地理志芮在臨晉者恐疎然開原在河東復與虞芮相接臨晉在河西同州非

臨晉為城明矣

有獄不能決乃如周入界耕者皆讓畔民俗皆

讓長虞芮之人未見西伯皆慙相謂曰吾所爭周人所

恥何往為祗取辱耳遂還俱讓而去諸侯聞之曰西伯

蓋受命之君明年伐犬戎

集解駟案山海經曰有人人面獸身名曰犬戎正義又云

黃帝生苗龍苗龍生融吾融吾生并明并明生白犬白犬有二是為犬戎說文云赤狄秦犬種故字從犬又後漢書云犬戎槃瓠之後也今長沙武陵之郡大半是也又毛詩疏云犬戎昆夷是也明年伐密須

集解應劭曰密須氏姑姓之國瓚曰安定陰密縣是正義括地志云陰密故城在涇州鶉觚縣西其東接縣城即古密國杜預云姑姓國在安定陰密縣也明年敗耆國

集解徐廣曰一作隼正義即黎國也

鄒誕生云本或作黎孔安國云黎在上黨東北括地志云故黎城黎侯國也在潞州黎城縣東北十八里尚書云西伯既戡黎是也殷之祖伊聞之懼以告帝紂紂曰不有天命

乎是何能爲明年伐邾

集解徐廣曰邾城在野王縣西北音于正義括地志云故邾城

在懷州河內縣西北二十七里古邾

國城也左傳云邾晉應韓武之穆也明年伐崇侯虎

正義

皇甫謐曰夏餘封虞夏商周皆有崇國崇國蓋在豐鎬之間詩云既伐于崇作邑于豐是國之地也

而作

豐邑

集解徐廣曰豐在京兆鄠縣東有靈臺鎬在上林昆明北有鎬池去豐二十五里皆在長安南數十

里正義括地志云周豐宮周文王宮也在雍州鄠縣東三十五里鎬在雍州西南三十二里

自岐下

而徙都豐明年西伯崩

集解徐廣曰文王九十七乃崩正義括地志云周文王墓在雍

州萬年縣西南二十八里原上也

太子發立是爲武王西伯蓋即位五

十年其囚羑里蓋益易之八卦爲六十四卦

正義乾鑿度云垂皇

策者義益卦演德者文成命者孔也易正義云伏羲制卦文王卦辭周公爻辭孔子翼也按太史公言蓋者乃疑辭也文王著演易之功作周紀方贊其美不敢專定重易故稱蓋也詩人道西伯蓋受

命之年稱王而斷虞芮之訟

正義二國相讓後諸侯歸西伯者四十餘國咸尊西

伯爲王蓋此年受命之年稱王也帝王世紀云文王即位四十二年歲在鶉火文王更爲受命之元年始稱王矣又毛詩云文王九十七而終終時受命九年則受命之元年年八十九也後七年而崩

正義

七當爲九謚爲文王

正義謚法經緯天地曰文

改法度制正朔矣追

尊古公爲太王公季爲王季

正義易緯云文王受命改正朔有王號於天下鄭玄

信而用之言文王稱王已改正朔布王號矣按天無二日土無二王豈殷紂尚存而周稱王哉若文王自稱王改正朔則是功業成矣武王何復得云大勲未集欲卒父業也禮記大傳云牧之野武成大事而退追王大王亶父王季歷文王昌據此文乃是追王爲王何得文王自稱王改正朔也蓋王瑞自太王興

正義古公在邠被戎狄攻戰奪民太王曰民之在我與彼何異殺人父子而君之予不忍爲遂遠去邠止於岐下邠人舉國盡歸古公他國聞古公仁亦多歸之乃貶戎狄之俗爲空屋邑落而分別居之季歷又生昌有聖瑞蓋是王瑞自太王時而興起也然自西伯蓋即位五十年以下至太王興在西伯崩後重述其事爲經傳不同不可全棄乃略而書之引次

武王即位

正義謚法克定禍亂曰武

春秋元命苞云武王駢蓋是謂剛強也

太公望為師周公旦為輔召公畢

公之徒左右王師修文王緒業九年武王上祭于畢

集解

馬融曰畢文王墓地名也索隱按文云上祭于畢則畢天星之名畢星主兵故師出而祭畢星也正義上音時掌反尚書武成篇云我文考文王誕膺天命以撫方夏惟九年大統未集太誓篇序云惟十有一年武王伐殷太誓篇云惟十有三年春大會于孟津大戴禮云文王十五而生武王則武王少文王十四歲矣禮記文王世子云文王九十七而終武王九十三而終按文王崩時武王已八十三矣八十四即位至九十三崩武王即位適滿十年言十三年伐紂者續文王受命年欲明其卒父業故也金縢篇云惟克商二年王有疾不愈按文王受命九年而崩十一年武王服闋觀兵孟津十三年克紂十五年有疾周公請命王有瘳後四年而崩則武王

年九十三年矣而太史公云九年王觀兵十一年
伐紂則以為武王即位年數與尚書違甚疎矣 東觀

兵至於盟津

集解徐廣曰譙周云史記武王十一年東觀兵十三年克紂

為文王木

主載以車中軍武王自稱太子發言奉文王以伐不敢

自專乃告司馬司徒司空諸節

集解馬融曰諸受符節有司也

齊粟信

哉予無知以先祖有德臣小子受先功

集解徐廣曰一云予小子受先

功畢立賞罰以定其功遂興師師尚父號曰

集解鄭玄曰號令之

軍法重者 總爾衆庶與爾舟楫後至者斬武王渡河中流白

魚躍入王舟中

集解馬融曰魚者介鱗之物兵象也白者殷家之正色言殷之兵衆與周之象

也索隱此已下至火復王屋流為鳥皆見周書及今文泰誓

武王俯取以祭既渡有

火自上復于下至于王屋流為鳥其色赤其聲魄云

集解

馬融曰王屋王所居屋流行也魄然安定意也鄭玄曰書說云鳥有孝名武王卒父大業故鳥瑞臻赤者周之正色也索隱按今文泰誓流為鵲鵲擊鳥也馬融云明武王能伐紂鄭玄云鳥是孝鳥言武王能終父業亦各隨文而解也是時諸侯不期而會盟津者八百諸侯諸侯皆

曰紂可伐矣武王曰女未知天命未可也乃還師歸居二年聞紂昏亂暴虐滋甚殺王子比干囚箕子太師疵少師彊抱其樂器而奔周於是武王徧告諸侯曰殷有

重罪不可以不畢伐

集解徐廣曰一作滅

乃遵文王遂率戎車三

百乘虎賁三千人

集解孔安國曰虎賁勇士稱也若虎賁言其猛也

甲士四萬

五千人以東伐紂十一年十二月戊午師畢渡盟津

正義

畢盡也盡從河南渡河北

諸侯咸會曰孳孳無怠武王乃作太誓告

于衆庶今殷王紂乃用其婦人之言自絕于天毀壞其

三正

集解馬融曰動逆天地人也正義按三正三統也周以建子為天統殷以建丑為地統夏以建寅為

人統也

離遏其王父母弟

集解鄭玄曰王父母兄弟祖父母之族必言母弟舉親者言之也

乃斷棄其先祖之樂乃為淫聲用變亂正聲怡說婦人

集解徐廣曰
怡一作辭

故今予發維共行天罰勉哉夫子

集解鄭
玄曰夫

子丈夫
之稱

不可再不可三二月甲子昧爽武王朝至於商

郊牧野乃誓

集解徐廣曰一作正此建丑之月殷之正月周之二月也孔安國曰昧冥也爽明朝

旦也癸亥夜陳甲子朝誓之正義括地志云衛州城故老云周武王伐紂至於商郊牧野乃築此城鄴元注水經云自朝歌南至清水土地平衍據臯跨澤悉牧野也括地志又云紂都朝歌在衛州東北七十三里朝歌故

城是也本妹邑殷王武丁始都之帝王世紀云帝乙復濟河北徙朝歌其子紂仍都焉

武王左杖

黃鉞右秉白旄以麾

集解孔安國曰鉞以黃金飾斧左手杖鉞示無事於誅右手把旄示

有事於
教令

曰遠矣西土之人

集解孔安國
曰勞苦之

武王曰嗟我有

國家君

集解馬融曰冢大也

司徒司馬司空亞旅師氏

集解孔安國曰亞次

旅衆大夫也其位次卿師氏大夫官以兵守門

千夫長百夫長

集解孔安國曰師率卒率

及

庸蜀羌髳微纁彭濮人

集解孔安國曰八國皆蠻夷戎狄羌在西蜀髳微在巴蜀纁彭

在西北庸濮在江漢之南馬融曰武王所率將來伐紂也正義髳音予括地志云房州竹山縣及金州古盧國益州及巴利等州皆古蜀國隴右岷洮叢等州以西羌也姚府以南古髳國之地戎府之南古微盧彭三國之地濮在楚西南有髳州微濮州盧府彭州焉武王率西南夷諸州伐紂也

稱爾戈

集解孔安國曰稱舉

也
比爾干立爾矛予其誓王曰古人有言牝雞無晨牝

雞之晨惟家之索

集解孔安國曰索盡也喻婦人知外事雌代雄鳴則家盡也

今殷

王紂維婦人言是用自弃其先祖肆祀不答

集解鄭玄曰肆祭名

答問也

昏弃其家國遺其王父母弟不用乃維四方之多

罪逋逃是崇是長是信是使

集解孔安國曰言紂棄其賢臣而尊長逃亡罪人信

用之也 俾暴虐于百姓以姦軌于商國今予發維共行天

之罰今日之事不過六步七步乃止齊焉夫子勉哉

集解

孔安國曰今日戰事不過六步七步乃止相齊言當旅進一心也

不過於四伐五伐六

伐七伐乃止齊焉勉哉夫子

集解孔安國曰伐謂擊刺也少則四五多則六七以

為例也

尚桓桓

集解鄭玄曰威武貌

如虎如罴如豺如離

集解徐廣曰此訓與

同 于商郊不禦克犇以役西土勉哉夫子

集解鄭玄曰禦彊禦謂彊

暴也克殺也不得暴殺紂師之犇走者當以為周之役也

爾所不勉其于爾身有戮

集解鄭玄曰所言且也

誓已諸侯兵會者車四千乘陳師牧野帝

紂聞武王來亦發兵七十萬人距武王武王使師尚父

與百夫致師

集解駢案周禮環人掌致師鄭玄曰致師者致其必戰之志也古者將戰先使勇力

之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以蔽代御執轡御下攝馬掉鞅而還攝叔曰吾聞致師者右入壘折馘執俘而還皆行其所聞

而以大卒馳帝紂師

集解徐廣曰帝一作商正義大卒謂戎車三百五十乘士卒二萬六

千二百五十人
有虎賁三千人
紂師雖衆皆無戰之心心欲武王亟入

紂師皆倒兵以戰以開武王武王馳之紂兵皆崩畔紂

紂走反入登于鹿臺之上蒙衣其珠玉自燔于火而死

正義衣音於既反周書云甲子夕紂取天智玉琰五環身以自焚注天智王之善者縱環其身自厚也凡焚四

千玉也庶玉則銷天智
玉不銷紂身不盡也
武王持大白旗以麾諸侯諸侯

畢拜武王武王乃揖諸侯
正義武王率諸侯伐天子天子已死諸侯畢賀故武王揖

諸侯言先揖
諸侯畢從武王至商國
正義謂至朝歌
商國百姓

咸待於郊於是武王使羣臣告語商百姓曰上天降休

商人皆再拜稽首武王亦答拜

索隱武王雖以臣伐君頗有慙德不應答商人

之拜太史公失辭耳尋上文諸侯畢拜賀武王武王尚且報揖無容遂下拜商人

遂入至紂死

所武王自射之三發而後下車以輕劍擊之

正義周書作輕呂擊

之輕呂劍名也

以黃鉞斬紂頭縣太白之旗已而至紂之嬖妾

二女二女皆經自殺武王又射三發擊以劍斬以玄鉞

集解駢案司馬法曰夏執玄鉞宋均曰玄鉞用鐵不磨礪

縣其頭小白之旗武王已

乃出復軍其明日除道修社及商紂宮及期百夫荷罕

旗以先驅

集解駢案蔡邕獨斷曰前驅有九旒雲罕東京賦曰雲罕九旒薛綜曰旒旗名

武王

弟叔振鐸奉陳常車周公旦把大鉞畢公把小鉞以夾

武王散宜生太顛閎夭皆執劔以衛武王既入立于社

南大卒之左右畢從毛叔鄭奉明水

集解駟案周禮曰司烜氏以鑑取明

水於月鄭玄曰鑑鏡屬也取月之水欲得陰陽之繫氣陳明水以為玄酒索隱明明水也舊本皆無水字今本有水字若惟云奉明其義未見不知明是何物也烜音毀

衛康叔封布茲

集解徐廣曰茲者籍

席之名諸侯病曰負茲索隱茲一作茲

召公奭贊采

正義

贊佐也采幣也

師尚父牽牲尹佚筴祝曰

正義尹佚讀筴書祝文以祭社也

殷

之末孫季紂

正義周書作末孫受德受德紂字也

殄廢先王明德侮蔑神

祇不祀昏暴商邑百姓其章顯聞于天皇上帝於是武

王再拜稽首曰膺更

監本作受

大命革殷受天明命武王又

再拜稽首乃出封商紂子祿父殷之餘民武王為殷初

定未集乃使其弟管叔鮮蔡叔度相祿父治殷

正義地理志云

河內殷之舊都周既滅殷分其畿內為三國詩邶鄘衛是邶以封紂子武庚鄘管叔尹之衛蔡叔尹之以監殷民謂之三監帝王世紀云自殷都以東為衛管叔監之殷都以西為鄘蔡叔監之殷都以北為邶霍叔監之是為三監按二說各異未詳也

已而命名公釋箕子之囚

集解徐廣曰釋一作原

命畢公釋百姓之囚表商容之間命南宮括散鹿臺之

財發鉅橋之粟以振貧弱萌隸命南宮括史佚展九鼎

保玉

集解徐廣曰保一作寶

命閔天封比干之墓

正義封謂益其土及畫疆界括

地志云比干墓在衛州汲縣北十里二百五十步

命宗祝享祠于軍乃罷兵西

歸行狩記政事作武成

集解孔安國曰武功成也

封諸侯班賜宗彛

作分殷之器物

集解鄭玄曰宗彛宗廟樽也作分器著王之命及所受物也

武王追

思先聖王乃褒封神農之後於焦

集解駟案地理志弘農陝縣有焦城故焦

國黃帝之後於祝

正義左傳云祝其實夾谷杜預云夾谷即祝其也服虔云東海郡祝其縣

也帝堯之後於薊

集解駟案地理志燕國有薊縣

帝舜之後於陳

正義括地

志云陳州宛丘縣在陳城中即古陳國也帝舜後遏父為周武王陶正武王賴其器用封其子媯滿於陳都宛丘之側大禹之後於杞

正義括地志云汴州雍丘縣古杞國地理志云古杞國理此城周武

王封禹後於杞號東樓於是封功臣謀士而師尚父為公二十一代為楚所滅

首封封尚父於營丘曰齊

集解駟案爾雅曰水出其前而左曰營丘郭璞曰今齊之

營丘淄水過其南乃東正義水經注今臨菑城中有丘云古縣丘之地呂望所封齊之都也營丘在縣北百步

外城中輿地志云秦立為封弟周公旦於曲阜曰魯

集解

應劭曰曲阜在魯城中委曲長七八里正義帝王世紀云炎帝自陳營都於魯曲阜黃帝自窮桑登帝位後徙曲阜少昊邑于窮桑以登帝位都曲阜顓頊始都窮桑徙裔丘窮桑在魯北或云窮桑即曲阜也又為大庭氏

之故國又是商奄之地皇甫謐云黃帝生於壽丘在魯城東門之北居軒轅之丘於山海經云此地窮桑之際

西射之南是也括地志云兗州曲阜縣外城即周公旦子伯禽所築古魯城也封召公奭於燕

正義封帝堯之後於薊封召公奭於燕觀其文稍似重也水經注云薊城西北隅有薊丘因取名焉括地志云

燕山幽州漁陽縣東南六十里宗國都城記云周武王封召公奭於燕地在燕山之野故國取名焉按周封以

五等之爵薊燕二國俱武王立因燕山薊邱為名其地足自立國薊微燕盛乃并薊居之薊名遂絕焉今幽州

薊縣古封弟叔鮮於管正義括地志云鄭州管城縣外城古管國城也周武王弟叔鮮

所封弟叔度於蔡正義括地志云豫州北七十里上蔡縣古蔡國武王封弟叔度於蔡是也縣東

十里有蔡餘各以次受封武王徵九牧之君登幽之阜周因名也

以望商邑

正義括地志云幽州三水縣西十里有幽原周先公劉所都之地也幽城在此原上因公

為名按蓋武王登此城望商邑

武王至于周自夜不寐周公旦即王所

曰曷為不寐

正義周鎬京也武王伐紂還至鎬京憂未定天之保安故自夜不得寐也

王曰

告女維天不饗殷自發未生於今六十年麋鹿在牧

集解

徐廣曰此事出周書及隨巢子云夷羊在牧北郊也夷羊怪物也

蜚鴻滿野

索隱按高誘曰蜚鴻

蟻蠊也言飛蟲蔽田滿野故為災非是鴻鴈也隨巢子作飛拾飛拾蟲也正義蜚音飛古飛字也於今猶當今於今六十年從帝乙十年至伐紂年也麋鹿在牧喻讒佞小人在朝位也飛鴻滿野喻忠賢君子見放棄也言紂父帝乙立後殷國益衰至伐紂六十年間論佞小人在於朝位忠賢君子放遷於野故詩云鴻鴈于飛肅肅

其羽之子于征劬勞于野毛萇云之子侯伯卿士也鄭
玄云鴻鴈知避陰陽寒暑喻民知去無道就有道也

天不享殷乃今有成

索隱言上天不歆享殷家故見
災異我周今乃有成王業者也

維

天建殷其登名民三百六十夫不顯亦不賓滅

集解徐
廣曰一

云不顧亦不賓滅一又云不顧亦不恤也索隱言天初
建殷國亦登進名賢之人三百六十夫既無非大賢未
能興化致理故殷家不大光昭亦不即擯滅以至于今
也亦見周書及隨巢子頗復脫錯而劉氏音破六為古
其字義亦無所通徐廣云一本作不顧亦不賓蓋是學
者以周書及隨巢不同逐音改易耳隨巢子曰天鬼不
顧亦不賓滅天

以至今我未定天保何暇寐王曰定天

保依天室悉求夫惡貶從殷王受

索隱言今悉求取夫
惡人不知天命不順

周家者咸貶責之與紂同罪故曰貶從殷王受

日夜勞來我西土

集解徐廣曰一云肯來索

隱七字連作一句讀

我維顯服及德方明

正義服事也武王答周公云定知天之安保我

位得依天之宮室退除殷紂之惡日夜勞民又安定我之西土我維明於事及我之德教施四方明行之乃可至於寢寐也自此已上為至周自夜不寐周公問之故先書

自洛汭延于伊汭居易

毋固其有夏之居

集解徐廣曰夏居河南初在陽城後居陽翟索隱言自洛汭及伊汭其地

平易無險固是有夏之舊居正義括地志云自禹至太康與唐虞皆不易都城然則居陽城為禹避商均時之都也帝王世紀云禹封夏伯今河南陽翟是汲冢古文云太康居斟尋羿亦居之桀又居之括地志云故鄆城在洛州鞏縣西

我南望三塗北望嶽鄙顧瞻有河

集解徐廣

曰周書度邑曰武王問太公曰吾將因有夏之居也南望過于三塗北瞻望于有河索隱杜預曰三塗在陸渾南嶽蓋河北太行山鄙都鄙謂近嶽之邑度邑周書篇名度音徒各反正義括地志云太行恒山連延東北接碣石西北接嶽山言北望太行恒山之邊鄙都邑也又晉州霍山一名大岳在洛西北恒山在洛東北二說皆通

粵詹雒伊毋遠天室

正義粵者審慎之辭也言審慎瞻雒伊二水之陽無遠離此為

天室營周居于雒邑而後去

正義括地志云故王城一名河南城本郊鄩周公新

築在洛州河南縣北九里苑內東北隅自平王以下十二王皆都此城至敬王乃遷都成周至赧王又居王城也帝王世紀云王城西有郊鄩陌左傳云成王定鼎於郊鄩京相璠地名云郊山名鄩邑名縱馬於

華山之陽

正義華山在華陰縣南八里山南曰陽也

牧牛於桃林之虛

集解孔安

國曰桃林在華山東正義括地志云桃林在陝州桃林縣西山海經云夸父之山其北有林焉名曰桃林廣圓三百里中多馬湖水出焉北流入河也

偃干戈振兵釋旅

集解駟案公羊傳曰入曰振旅

示天下不復用也武王已克殷後二年問箕子殷所以

亡箕子不忍言殷惡以存亡國宜告

集解徐廣曰存一作前索隱六字連

一句讀正義箕子殷人不忍言殷惡以周國之所宜言告武王為洪範九類武王以類問天道

武王亦

醜故問以天道武王病天下未集羣公懼穆卜

集解孔安國曰

穆敬也

周公乃祓齋

正義祓因廢又音拂齋音札皆反祓謂除不祥求福也

自為質

正義音至周公祓齋自以贄幣告三王請代武王武王病乃瘳也

欲代武王武王有瘳

後而崩

集解徐廣曰封禪書曰武王克殷二年天下未寧而崩皇甫謐曰武王定位元年歲在乙酉六

年庚寅崩駟案皇覽曰文王武王周公冢皆在京兆長安鎬聚東社中也正義括地志云武王墓在雍州萬年

縣西南二十八里畢原上也

太子誦代立是為成王成王少周初定

天下周公恐諸侯畔周公乃攝行政當國管叔蔡叔羣

弟疑周公與武庚作亂畔周周公奉成王命伐誅武庚

管叔放蔡叔以微子開代殷後國於宋

正義今宋州也

頗收殷

餘民以封武王少弟封為衛康叔

正義尚書洛誥云我卜漚水東亦惟洛食

以居邠廓衛之衆又多士篇序云成周既成遷殷頑民按是為東周古洛陽城也括地志云洛陽故城在洛州

洛陽縣東北二十六里周公所築即成周城也輿地志云以周地在王城東故曰東周敬王避子朝亂自洛邑東居此以其迫阨不受王都故壞翟泉而廣之按武王滅殷國為邲鄘衛三監尹之武庚作亂周公滅之徙三監之民於成周頗收其餘衆以封康叔為衛侯即今衛州是也孔安國云以三監之餘民國康叔為衛侯周公懲其數叛故使賢母弟主之也

晉唐叔得嘉穀

集解鄭玄曰二苗同為一穗

獻之成

王成王以歸周公於兵所

集解徐廣曰歸一作餽

周公受禾東土

魯天子之命

集解徐廣曰尚書序云旅天子之命

初管蔡畔周周公討之

三年而畢定故初作大誥次作微子之命

集解孔安國曰封命之書

次歸禾次嘉禾次康誥酒誥梓材

集解孔安國曰告康叔以為政之道亦如

梓人之
治材也
其事在周公之篇周公行政七年成王長周公

反政成王北面就羣臣之位成王在豐使召公復營洛

邑如武王之意周公復卜申視卒營築居九鼎焉曰此

天下之中四方入貢道里均作召誥洛誥成王既遷殷

遺民周公以王命告作多士無佚召公為保周公為師

東伐淮夷殘奄

集解鄭玄曰奄國在淮夷之北正義奄音於險反括地志云泗水徐城縣北三

十里古徐國即淮夷也兗州曲阜縣奄至即奄國之地也

遷其君薄姑

集解馬融曰齊地正義括

地志云薄姑故城在青州博昌縣東北六十里薄姑氏殷諸侯封於此周滅之也

成王自奄歸

在宗周

正義伐奄歸鎬京也

作多方

集解孔安國曰告衆方天下諸侯

既紕殷命

襲淮夷歸在豐作周官

集解孔安國曰言周家設官分職用人之法古文尚書叙周官

書篇

興正禮樂度制於是改而民和睦頌聲興

集解何休曰頌

名

聲者太平歌頌之聲帝王之高致也

成王既伐東夷息慎來賀王賜榮伯

作賄息慎之命

集解孔安國曰賄賜也馬融曰榮伯周同姓畿內諸侯為卿大夫也

成王

將崩懼太子釗之不任乃命召公畢公率諸侯以相太

子而立之成王既崩二公率諸侯以太子釗見於先王

廟申告以文王武王之所以為王業之不易務在節儉

母多欲以篤信臨之作顧命

集解鄭玄曰臨終出命故謂之顧顧將去之意也

太子釗遂立是為康王康王即位徧告諸侯宣告以文武之業以申之作康誥故成康之際天下安寧刑錯四

十餘年不用

集解應劭曰錯置也民不犯法無所置刑

康王命作策畢公分

居里成周郊

集解孔安國曰分別民之居里異其善惡也成定東周郊境使有保護也

作畢

命康王卒子昭王瑕立昭王之時王道微缺昭王南巡

狩不返卒於江上其卒不赴告諱之也

正義帝王世紀云昭王德衰南

征濟於漢船人惡之以膠船進王王御船至中流膠液船解王及祭公俱沒於水中而崩其右卒游靡長臂且

多力游振得
王周人諱之

立昭王子滿是為穆王穆王即位春秋已

五十矣王道衰微穆王閑文武之道缺乃命伯璆

集解孔安

國曰伯
問臣名

申誠

集解徐廣曰一作部

太僕

集解應劭曰太僕周穆王所置蓋太御衆僕之長中

大夫

國之政作璆命

正義尚書序云穆王令伯璆為太僕正

復寧穆王將

征犬戎

集解徐廣曰一作畎

祭公謀父諫曰

集解韋昭曰祭畿內之國周公之後為王

卿士謀父字也正義括地志云故祭城在鄭州管城縣東北十五里鄭大夫祭仲邑也釋例云祭城在河南上

有教倉周公後所封也

不可先王耀德不觀兵夫兵戢而時動動

則威觀則玩玩則無震

集解韋昭曰震懼也

是故周文公之頌曰

集解韋昭曰文
公周公旦之謚

載戢干戈載櫜弓矢

集解唐曰
曰櫜韜也

我求懿

德肆于時夏允王保之

集解韋昭曰言武王常求美德
故陳其功於是夏而歌之信哉

武王能保此時夏之
美樂章大者曰夏

先王之於民也茂正其德而厚其

性阜其財求而利其器用明利害之鄉

集解韋昭曰鄉方也

以文

修之使之務利而辟害懷德而畏威故能保世以滋大

昔我先王世后稷

集解韋昭曰謂弃與不窋也唐固曰父子相繼曰世

以服事虞

夏及夏之衰也

正義謂
太康也

弃稷不務

正義言太康
弃廢稷官

我先王

不窋用失其官而自竄於戎狄之間不敢怠業時序其

德遵修其緒

集解徐廣曰
遵一作選

修其訓典朝夕恪勤守以敦

篤奉以忠信奕世載德不忝前人

正義前人謂后稷也
言不啻亦世載德不

忝后稷及文王武
王無不務農事

至於文王武王昭前之光明而加之

以慈和事神保民無不欣喜商王帝辛大惡于民庶民

不忍訢戴武王以致戎于商牧

正義紂近郊
地名牧野

是故先王

非務武也勤恤民隱而除其害也夫先王之制邦內甸

服邦外侯服侯衛賓服

集解韋昭曰此總言之
也侯侯圻衛衛圻也

夷蠻要

服戎翟荒服甸服者祭

集解韋昭
曰供日祭

侯服者祀

集解韋昭
曰供月祀

賓服者享

集解韋昭曰供時享

要服者貢

集解韋昭曰供歲貢

荒服者王

集解

韋昭曰王王事天子也詩曰莫敢不來王

日祭月祀時享歲貢終王先王之

順祀也

集解徐廣曰外傳云先王之訓

有不祭則修意

集解韋昭曰先修志意以自責

也幾內近知王意也

有不祀則修言

集解韋昭曰言號令也

有不享則修文

集解韋昭曰文典法也

有不貢則修名

集解韋昭曰名謂尊卑職貢之名號也

有不

王則修德

集解韋昭曰遠人不服則修文德以來之

序成而有不至則修刑

集解韋昭曰序成謂上五者次序已成有不至則有刑罰也

於是有刑不祭伐不祀

征不享讓不貢告不王於是有刑罰之辟有攻伐之兵

有征討之備有威讓之命有文告之辭布令陳辭而有不至則增修於德無勤民於遠是以近無不聽遠無不

服今自大畢伯士之終也

集解徐廣曰犬戎之君

犬戎氏以其職

來王

正義賈逵云大畢伯士犬戎氏之二君也白狼白鹿犬戎之職貢也按大畢伯士終後犬戎氏常以

其職來王

天子曰

正義祭公申穆王之意故云天子曰

予必以不享征之且觀

之兵無乃廢先王之訓而王幾頓乎

正義幾音祈

吾聞犬戎

樹敦

集解徐廣曰樹一作檉駟案韋昭曰樹立也言犬戎立性敦篤也

率舊德而守終

純固其有以禦我矣王遂征之得四白狼四白鹿以歸

自是荒服者不至諸侯有不睦者甫侯言於王作修刑

辟

集解鄭玄曰書說云周穆王以甫侯為相

王曰吁來有國有土告汝祥刑

集解孔安國曰告汝善用刑之道也

在今爾安百姓何擇非其人

集解王肅曰訓

以安百姓之道當何所選

何敬非其刑何居非其宜與

擇乎非當選賢人乎

集解孔安國曰當何所敬非唯五刑

兩造具備

集解徐廣曰造

乎當何所居非唯及世輕重所宜乎

一作

師聽五辭

集解孔安國曰兩謂因證造至也兩至具備則衆獄官聽其入五刑辭正義漢

遭

書刑法志云五聽一曰辭聽二曰色聽三曰氣聽四曰

耳聽五曰目聽周禮注辭不直則言繁目不直則視眇

耳不直則對答惑色不直

五辭簡信正於五刑

集解孔安國曰

則貌報氣不直則數喘也

五辭簡校信有罪驗

五刑不簡正於五罰

集解孔安國曰不簡校謂

則正之於五刑矣

不應五刑當正五

集解孔安國曰

罰出金贖罪也

五罰不服正於五過

集解孔安國曰使與罰名

正於五過

五過之疵官獄內獄閱實其罪

集解孔安國曰使與罰名

從赦免之

相當索隱按呂刑云惟反惟內惟

貨惟來今此似闕少或從省文

惟鈞其過

集解馬融曰以此五

過出入人罪

五刑之疑有赦五罰之疑有赦其審克之

與犯法者等

集解孔安國曰刑疑赦從罰罰疑

赦從免其當清察能得其理也

簡信有衆惟訊有稽

集解孔安國曰簡校誠信有合衆心惟察其貌

集解孔安國曰簡校誠信有合衆心惟察其貌

有所考合重之至也索隱訊依尚書音貌也

無簡不

疑共嚴天威

集解孔安國曰無簡校誠信不聽

黥辟疑

治其獄當嚴敬天威無輕用刑

赦其罰百率

集解徐廣曰率即鍰也音刷孔安國曰六兩曰鍰鍰黃鐵也索隱鍰黃鐵錚亦六兩

故馬融曰錚量名與呂刑鍰同舊本率亦作選

閱實其罪劓辟疑赦其罰倍灑

集解徐廣曰一作蕪五倍曰蕪孔安國曰倍百為二百鍰也索隱灑音戾蕪音所解反

閱實其罪

臞辟疑赦其罰倍差

集解馬融曰倍二百為四百鍰也差者又加四百之三分一凡五百

三十三三分一也正義倍中之差二百去三分一合三百三十三鍰二兩也宮刑其罰五百臞刑既輕其數豈加故知孔馬之說非也

閱實其罪宮辟疑赦其罰五百

集解徐廣曰一作六

率閱實其罪大辟疑赦其罰千率閱實其罪墨罰之屬千劓罰之屬千臞罰之屬五百宮罰之屬三百大辟之

老四
罰其屬二百五刑之屬三千命曰甫刑穆王立五十五

年崩子共王繫扈立

索隱世本作伊扈

共王游於涇上密康公

從

集解韋昭曰康公密國之君姬姓也正義括地志云陰密故城在涇州鶉觚縣西東接縣城故密國也

有三女犇之其母曰必致之王

集解駢案列女傳曰康公母姓隗氏

夫獸

三為羣人三為衆女三為粢王田不取羣

正義曹大家云羣衆衆皆

多之名也田獵得三獸王不盡收以其害深也

公行不下衆

正義曹大家云公諸侯也公之所與

衆人共議也

王御不參一族

集解韋昭云御婦官也參三也一族一父子也故取姪娣以備

三不參一族之女也

夫粢美之物也衆以美物歸女而何德以堪

之王猶不堪況爾之小醜乎小醜備物終必亡康公不

獻一年共王滅密共王崩子懿王薨立

索隱世本作堅

懿王之

時王室遂衰詩人作刺

集解宋忠曰懿王自鎬徙都犬丘一曰廢丘今槐里是也時王

室衰始作詩也

懿王崩共王弟辟方立是為孝王孝王崩諸侯

復立懿王太子燮是為夷王

正義紀年云三年致諸侯剪齊哀公昂帝王世紀云

十六年崩也

夷王崩子厲王胡立厲王即位三十年好利近

榮夷公大夫芮良夫

正義芮伯也

諫厲王曰王室其將卑乎

夫榮公好專利而不知大難夫利百物之所生也天地

之所載也而有專之其害多矣天地百物皆將取焉何

可專也所怒甚多而不備大難以是教王王其能久乎

夫王人者將導利而布之上下者也使神人百物無不

得極

集解韋昭曰極中也

猶日怵惕懼怨之來也故頌曰思文后

稷克配彼天立我烝民莫匪爾極大雅曰陳錫載周

集解

唐國曰言大王布錫施利以載成周道也

是不布利而懼難乎故能載周以

至於今今王學專利其可乎匹夫專利猶謂之盜王而

行之其歸鮮矣榮公若用周必敗也厲王不聽卒以榮

公為卿士用事王行暴虐侈傲國人謗王召公諫曰

集解

韋昭曰召康公之後穆公虎為王卿士也

民不堪命矣王怒得衛巫使監謗

者

集解韋昭曰衛國之巫也正義監音口衛反監察也以巫人神靈有謗毀必察也

以告則殺

之其謗鮮矣諸侯不朝三十四年王益嚴國人莫敢言

道路以目

集解韋昭曰以目相盼而已

厲王喜告召公曰吾能弭謗

矣乃不敢言召公曰是鄣之也防民之口甚於防水水

壅而潰傷人必多民亦如之是故為水者決之使導為

民者宣之使言故天子聽政使公卿至於列士獻詩

正義

上詩瞽獻典

集解韋昭曰典樂典

史獻書

正義史太史也上書諫

師箴

正義音針

師樂太師也

瞽賦

集解韋昭曰無眸子曰瞽賦公卿列士所獻詩也

瞽誦

集解韋昭

曰有眸子而無見曰瞽周禮

百工諫庶人傳語

集解韋昭曰庶

人卑賤見時得失不得言傳以語士正義傳音逐緣反庶人微賤見時得失不得上言乃在街巷相傳語近

臣盡規

集解韋昭曰近臣驂僕之屬

親戚補察

正義言親戚補王過失及察是非也瞽

史教誨

集解韋昭曰瞽樂太師史太史也

耆艾修之

集解韋昭曰耆艾師傅也修理瞽史

之教以聞於王

而後王斟酌焉是以事行而不悖民之有口也

猶土之有山川也財用於是乎出猶其有原隰衍沃也

集解唐固曰下平
曰衍有溉曰沃

衣食於是乎生口之宣言也善敗於

是乎興行善而備敗所以產財用衣食者也夫民慮之

於心而宣之於口成而行之若壅其口其與能幾何王

不聽於是國人莫敢出言三年乃相與畔襲厲王厲王

出奔於彘

集解韋昭曰彘晉地漢為縣屬河東今曰永安正義括地志云晉州霍邑縣本漢彘縣後

改彘曰永安
從部彝晉也

厲王太子靜匿召公之家國人聞之乃圍

之召公曰昔吾驟諫王王不從以及此難也今殺王太

子王其以我為讎而懟怒乎夫事君者險而不讎懟

集解

韋昭曰在危險之中怨而不怒況事王乎乃以其子代王太子太

子竟得脫召周公二相行政號曰共和

索隱共音如字若汲冢紀

年則云共伯干王位共音恭共國伯爵言共伯攝王政故云干王位也正義共音巨月反韋昭云虢之亂公卿相與和而修政事號曰共和也魯連子云衛州共城縣本周共伯之國也共伯名和好行仁義諸侯賢之周厲王無道國人作難王奔於虢諸侯奉和以行天子事號曰共和元年十四年厲王死於虢共伯使諸侯奉王子靖為宣王而共伯復歸國於衛也衛世家云釐侯十三年周厲王出奔於虢共和行政焉二十八年周宣王立四十二年釐侯卒太子共伯餘立為君共伯弟和襲攻共伯於墓上恭伯入釐侯羨自殺衛人因葬釐侯旁謚曰共伯而立和為衛侯是為武公按此文共伯不得立而和立為武公武公之立在共伯卒後年歲又不相當

年表亦同明紀年
及魯連子非也

共和十四年厲王死於彘太子靜長

於召公家二相乃共立之為王是為宣王宣王即位二
相輔之修政法文武成康之遺風諸侯復宗周十二年

魯武公來朝宣王不修籍於千畝

集解應劭云古者天子耕籍田千畝為天

下先贊曰籍蹈籍也按

號文公諫曰

集解賈逵曰文公文王母弟號仲之

宣王不修親耕之禮也

後為王卿士也韋昭曰文公號叔之後西號也宣王都

鎬在畿內也正義括地志云號故城在岐州陳倉縣東

南十里又云千畝原在晉

不可王弗聽

索隱國語曰號文公諫云夫人

州岳陽縣北九十里也

之大事在農上帝之策盛於是乎出事之繁庶
於是乎生人之供給於是乎取事具載國語

三十九

年戰於千畝

索隱地名在西河介休縣

王師敗績於姜氏之戎

集解韋昭

曰西夷別種四穀之後也

宣王既亡南國之師乃料民於太原

集解韋昭

曰敗於姜戎時所亡也南國漢江之間料數也唐曰南國南陽也

仲山甫諫曰

正義毛萇云仲

山甫樊穆仲也括地志云漢樊縣城在兗州瑕丘縣西南古樊國仲山甫所封也

民不可料也

宣王不聽卒料民四十六年宣王崩

正義周春秋云宣王殺杜伯而無辜

後三年宣王會諸侯田於囿日中杜伯起於道左衣朱衣冠操朱弓矢射宣王中心折脊而死國語云杜伯射

王於

子幽王宮涅立

集解徐廣曰一作生

幽王二年西州三川皆

震

集解徐廣曰涇渭洛也駟案韋昭曰西州鎬京地震動故三川亦動正義按涇渭二水在雍州北洛水一

名漆沮在雍州東北南流入渭此

伯陽甫曰周將亡矣

集解韋昭曰伯陽甫周大夫也唐

夫天地之氣不失其

序若過其序民亂之也

集解韋昭曰過失也言民不敢斥王者也

陽伏而不

能出陰迫而不能蒸

集解韋昭曰蒸升也陽氣在下陰氣迫之使不能升也

於是

有地震今三川實震是陽失其所而填陰也

集解韋昭曰為陰所

填竿也

陽失而在陰

集解韋昭曰在陰下也

原必塞原塞國必亡夫

水土演而民用也

集解韋昭曰水土氣通為演猶潤也演則生物民得用之

土無

所演民乏財用不亡何待昔伊洛竭而夏亡

集解韋昭曰禹都陽

城伊洛所近也河竭而商亡

集解韋昭曰商人
都衛河水所經也

今周德若二代

之季矣其川原又塞塞必竭夫國必依山川山崩川竭

亡國之徵也川竭必山崩

集解韋昭曰水泉
不潤枯朽而崩也

若國亡不

過十年數之紀也

集解韋昭曰數起於一終
於十十則更故曰紀也

天之所弃

不過其紀是歲也三川竭岐山崩三年幽王嬖愛褒姒

索隱褒國名夏同姓氏禮婦人稱國及姓其女是
龍褒妖子為人所收褒人納之於王故曰褒姒正義括

地志云褒國故城在梁州褒
城縣東二百步古褒國也

褒姒生子伯服幽王欲廢

太子太子母申侯女而為后後幽王得褒姒愛之欲廢

申后并去太子宜臼以褒姒為后以伯服為太子周太

史伯陽讀史記曰

正義諸國皆有史以記事故曰史記

周亡矣昔自夏后

氏之衰也有二神龍止於夏帝庭而言曰余褒之二君

集解虞翻曰龍自號褒之二先君也

夏帝卜殺之與去之與止之莫吉卜

請其簋而藏之乃吉

集解韋昭曰簋龍所吐沫沫龍之精氣也

於是布幣而

策告之

集解韋昭曰以簡策之書告龍而請其簋也

龍亡而簋在櫝而去之

集解韋昭曰櫝匱也

夏亡傳此器殷殷亡又傳此器周比三代莫

敢發之至厲王之末

集解虞翻曰末年王流彘之歲

發而觀之簋流於

庭不可除厲王使婦人裸而譟之

集解韋昭曰譟譟呼也唐固曰羣呼曰譟

檠化為玄黿以入王後宮

索隱亦作蜺音元玄蜺蜺蜺也

後宮之童妾

既齒而遭之

集解韋昭曰毀齒曰齒女七歲而毀齒也

既笄而孕

正義笄音雞禮記云

女子許嫁而笄鄭玄云笄今簪

無夫而生子懼而棄之宣王之時童女

謠曰檠弧箕服實亡周國

集解韋昭曰山桑曰檠弧弓也箕木名服矢房也

於

是宣王聞之有夫婦賣是器者宣王使執而戮之逃於

道而見鄉者後宮童妾所棄妖子出於路者

集解徐廣曰妖一作

天天幼少也正義夫婦賣檠弧者宣王欲執戮之遂逃於路遇此妖子哀而收之

聞其夜啼哀

而收之夫婦遂亡犇於褒褒人有罪請入童妾所棄女

子者於王以贖罪

正義國語云周幽王伐有褒褒人以褒姒女焉與虢石甫比也

棄女

子出於褒是為褒姒當幽王三年王之後宮見而愛之

生子伯服竟廢申后及太子以褒姒為后伯服為太子

索隱左傳所謂携王奸命是也

太史伯陽曰禍成矣無可奈何褒姒不

好笑幽王欲其笑萬方故不笑幽王為燧燧

正義峯遂二音晝日

燃燧以望火煙夜舉燧以望火光也遂土櫓也燧炬火也皆山上安之有寇舉之

大鼓有寇至

則舉燧火諸侯悉至至而無寇褒姒乃大笑幽王說之

為數舉烽火其後不信諸侯益亦不至幽王以號石父

為卿用事國人皆怨石父為人佞巧

集解徐廣曰
佞一作諂

善諛

好利王用之又廢申后去太子也申侯怒與繒西夷犬

戎攻幽王

正義繒自陵反國語云繒如姓夏禹後
括地志云繒縣在沂州承縣古侯國

幽王

舉烽火徵兵兵莫至遂殺幽王驪山下

索隱驪在雍州
新豐縣南故驪

戎國也舊音黎徐廣曰力知反正義括地志云驪山在
雍州新豐縣南十里土地記云驪山即藍田山按驪山

之陽即藍田山虜褒姒盡取周賂而去

集解駟案汲冢紀年曰
自武王滅殷以至幽王

凡二百五十七年也正義按汲冢書晉咸和五
年汲郡汲縣發魏襄王家得古書冊七十五卷於是諸

侯乃即申侯而共立故幽王太子宜臼是為平王以奉

周祀平王立東遷於雒邑

正義即王城也平王以前號東都至敬王以後及戰國為

西辟戎寇平王之時周室衰微諸侯彊并弱齊楚秦晉

始大政由方伯

集解駟案周禮曰九命作伯鄭衆云長諸侯為方伯

四十九年魯

隱公即位五十一年平王崩太子洩父

正義音甫

蚤死立其

子林是為桓王桓王平王孫也桓王三年鄭莊公朝桓

王不禮

索隱在魯隱六年

五年鄭宛與魯易許田許田天子之

用事太山田也

索隱左傳鄭伯以璧假許田卒易枋枋是鄭祀太山之田許是魯朝京師之湯

汭邑有周公廟鄭以其近故易取之此云許田天子用
事太山田誤矣正義杜預云成王營王城有遷都之志
故賜周公許田以為魯國朝宿之邑後世因而立周公
別廟焉鄭桓公友周宣王之母弟封鄭有助祭太山湯
沐邑在祊鄭以天子不復巡狩故欲以祊易許田各從
本國所近之宜也恐魯以周公別廟為疑故云已廢太
山之祀而欲為魯祀周公遜辭以求也括地志云許州
許昌縣南四十里有魯城周公廟在城中祊田在沂州
費縣東南按

八年魯殺隱公

正義子允令公子翬殺隱公也

立桓公十

宛鄭大夫

三年伐鄭

索隱在魯桓五年

鄭射傷桓王桓王去歸

索隱左傳縶葛之役

祝聃射王中肩是也

二十三年桓王崩子莊王佗立莊王四年周

公黑肩欲殺莊王而立王子克

集解賈逵曰莊王弟子儀也

辛伯告

王

集解賈逵曰辛伯周大夫也

王殺周公

索隱左傳云初子儀有寵於桓王桓王屬諸周公辛

伯諫曰並后匹嫡兩政耦國亂之本也周公不從故及於難然周公阿先王旨自取誅夷辛伯正君臣之義卒

安王業二卿優劣誠可識也

王子克奔燕

正義杜預云南燕姑姓也

十五年莊王

崩子釐王胡齊立

正義釐音僖

釐王三年齊桓公始霸五年

釐王崩子惠王閔立

索隱世本名母涼

惠王二年初莊王嬖姬

姚

正義杜預云姚姓也

生子頹

索隱莊王子釐王弟惠王之叔父也

頹有寵及惠王

即位奪其大臣園以為囿

集解駟案左傳曰大臣為國也

故大夫邊伯

等五人作亂

集解駟案左傳曰五人者為國邊伯詹父子禽祝跪也

謀召燕衛師

正義南燕滑州昨城衛澶州衛南也

伐惠王惠王犇溫

正義左傳云蘇忿生十二邑桓王奪

蘇子十二邑與鄭故蘇子同五大夫伐惠王溫十二邑之一也杜預云河內溫縣也

已居鄭之櫟

集解服虔曰櫟鄭大都正義杜預云櫟今河南陽翟縣也

立釐王弟頹為王樂及徧

舞

集解賈逵曰徧舞皆舞六代之樂也

鄭虢君怒四年鄭與虢君伐殺王

頹

正義賈逵云鄭厲公突號公林父也

復入惠王惠王十年賜齊桓公為

伯二十五年惠王崩子襄王鄭立襄王母早死後母曰

惠后

集解駟案左傳曰陳媯歸於京師實惠后也正義按陳國舜後媯姓也

惠后生叔帶

索隱惠王子襄王弟封於甘故左傳稱甘昭公正義惠王子襄王弟封之於甘括地志云故甘城在洛州河南

縣西南二十五里左傳云甘昭公王子叔帶也洛陽記
云河南縣西南二十五里有水出焉北流入洛山上有
甘城即甘公采邑也 有寵於惠王襄王畏之三年叔帶與戎翟謀

伐襄王襄王欲誅叔帶叔帶奔齊齊桓公使管仲平戎

于周使隰朋平戎于晉

集解服虔曰戎伐周晉伐戎救周故和也

王以上卿

禮管仲管仲辭曰臣賤有司也有天子之二守國高在

集解杜預曰國子高子天子所命為齊守臣皆上卿也

若節春秋來承王命何以

禮焉

集解賈逵曰節時也王肅曰春秋聘享之節也

陪臣敢辭

集解服虔曰陪重也諸侯之臣

於天子故曰陪臣

王曰舅氏余嘉乃勲

集解賈逵曰舅氏言伯舅之使也正義武王娶

太公女為后故呼舅氏言
我善汝有平戎之功勲

毋逆朕命管仲卒受下卿之

禮而還

正義杜預云管仲不敢以職自高卒受本位之禮也

九年齊桓公卒十二

年叔帶復歸於周

集解駟案左傳曰王召之

十三年鄭伐滑

集解賈逵曰滑

姬姓之國駟案左傳曰滑人叛鄭而服於衛也正義杜預云滑故國都河南緱氏縣為秦所滅時屬鄭晉後屬周事在魯釐公二十年括地志云緱氏故城本費城也在洛州緱氏縣南東二十五里也王使游孫

伯服請滑

集解賈逵曰二子周大夫

鄭人囚之鄭文公怨惠王之入

不與厲公爵

集解服虔曰惠王以后之鞶鑒與鄭厲公而獨與號公玉爵正義左傳云莊公二十

一年王巡號狩號公為王宮於玆王與之酒泉鄭伯之享王王以后之鞶鑒與之號公請器王與之爵鄭伯由

是怨王也杜預云后鞶帶而以鏡為飾也爵飲酒器也玳地名酒泉周邑又怨襄王之與衛

滑

集解服虔曰滑小國近鄭世世服從而更違叛鄭師伐之聽命後自愬於王王以與衛

故囚伯

服王怒將以翟伐鄭富辰諫

集解服虔曰富辰周大夫

曰凡我周之

東徙晉鄭焉依子顏之亂又鄭之由定今以小怨棄之

王不聽十五年王降翟師以伐鄭王德翟人將以其女

為后富辰諫曰平桓莊惠皆受鄭勞王棄親親翟不可

從王不聽十六年王絀翟后翟人來誅殺譚伯

集解唐國曰譚

伯周大夫原伯毛伯也索隱按國語亦云殺譚伯而左傳太叔之難獲周公忌父原伯毛伯唐固據傳文讀譚

為原然春秋有譚何妨此時亦仕王朝預獲被殺
國語既云殺譚伯故太史公依之不從左傳說也富辰

曰吾數諫不從如是不出王以我為懟乎乃以其屬死

之初惠后欲立王子帶故以黨開翟人翟人遂入周襄

王出犇鄭

正義公羊傳云王者無外此其言出何不能事母也

鄭居王於汜

集解杜預

曰鄭南汜在襄城縣南正義注音凡括地志云故汜城在許州襄城縣一里左傳云天王出居於鄭處於汜是

子帶立為王取襄王所絀翟后與居溫

正義括地志云故溫城在懷州

溫縣西三十里漢晉為縣本周司寇蘇忿生之邑地理志云溫縣故國已姓蘇忿生所封也

十七年

襄王告急於晉晉文公納王而誅叔帶襄王乃賜晉文

公珪鬯弓矢為伯以河內地與晉

集解賈逵云晉有功賞之以地陽樊溫原

橫茅之田也

二十年晉文公召襄王襄王會之河陽踐土

集解

賈逵曰河陽晉之溫也踐土鄭地名在河內正義括地志云故王宮在鄭州滎澤縣西北十五里王宮城中左傳云晉文公敗楚於城濮至於衡雍作王宮於踐土也按王城則所作在踐土城內東北隅有踐土臺東去衡雍三十餘里也諸侯畢朝書諱曰天王狩於河陽

集解駟案左傳曰仲尼曰

以臣召君不可以訓故書曰狩

二十四年晉文公卒三十一年秦穆公

卒三十二年襄王崩子頃王壬臣立頃王六年崩子匡

王班立匡王六年崩弟瑜立是為定王定王元年楚莊

王伐陸渾之戎

集解駟案地理志陸渾縣屬弘農郡正義渾音魂杜預云允姓之戎居陸渾在

秦晉西北二國誘而徙伊川遂從戎號今洛州陸渾縣取其號也後漢書云陸渾戎自瓜州遷於伊川左傳云初平王之東遷也辛有適伊川見被髮而祭於野者曰不及百年此其戎乎其禮先亡矣按至僖公二十二年秋秦晉遷陸渾之戎於伊川計至辛有言適百年也括地志云故麻城謂之蠻中在汝州梁縣界左傳單浮餘圍蠻氏杜預云城在河南新城東南伊洛之戎陸渾蠻氏城也俗以為麻蠻聲相近故耳按新城今伊闕縣是也

次洛使人問九鼎王使王孫滿應設以辭

集解賈逵曰王孫滿

周大夫也

楚兵乃去十年楚莊王圍鄭鄭伯降已而復之十

六年楚莊王卒二十一年定王崩子簡王夷立簡王十

三年晉殺其君厲公迎子周於周立為悼公十四年簡

王崩子靈王泄心立靈王二十四年齊崔杼弑其君莊

公二十七年靈王崩

集解駟案皇覽曰靈王冢在河南城西南栢亭西周山上蓋以靈王

生而有髭而神故謚靈王其冢民祀之不絕

子景王貴立

索隱名貴按國語景王二十一年鑄

大錢及無射單穆公及冷州鳩各設辭以諫今此不言亦其略耳

景王十八年后太子

聖而早卒二十年景王愛子朝

集解賈逵曰景王之長庶子

欲立之

正義左傳云子朝用成周之寶珪沉於河津人得諸河上杜預云禱河求福也珪自水出也按河神不敢受故

也

會崩

集解駟案皇覽曰景王冢在洛陽太倉中秦封呂不韋洛陽十萬戶故大其城并園景王冢也

子丐之黨與爭立國人立長子猛為王子朝攻殺猛猛

為悼王晉人攻子朝而立丐是為敬王

集解賈逵曰敬王猛母弟

敬

王元年晉人入敬王子朝自立敬王不得入居澤

集解賈逵

日澤邑周地也

四年晉率諸侯入敬王於周子朝為臣

集解駰案春秋

曰子朝奔楚皇覽曰子朝冢在南陽西鄂縣今西鄂晁氏自謂子朝後也

諸侯城周十六年

子朝之徒復作亂敬王奔於晉十七年晉定公遂入敬

王於周三十九年齊田常殺其君簡公四十一年楚滅

陳孔子卒四十二年敬王崩

集解徐廣曰皇甫謐曰敬王四十四年元己卯崩壬

戊子元王仁立集解徐廣曰世本云貞王介也元王八年崩子定王介

立集解徐廣曰世本云元王赤也皇甫謐曰元王十一年癸未三晉滅智伯二十八年崩三子爭立立應為

貞定王索隱世本云元王赤皇甫謐云貞定王考據二文則是元有兩名一名仁一名赤如史記則元王為定王父定王即貞王也依世本則元王是貞王子必有一乖誤然此定當為貞字誤耳豈周家有兩定王代數又非遠乎皇甫謐見此疑而不決遂彌縫史記世本之錯謬因謂為貞定王未為得也定王十六年

三晉滅智伯分有其地二十八年定王崩集解徐廣曰皇甫謐曰貞

定王十年元長子去疾立是為哀王哀王立三月弟叔

癸亥崩壬申襲殺哀王而自立是為思王思王立五月少弟嵬攻殺

思王而自立是為考王此三王皆定王之子考王十五

年崩

集解徐廣曰皇甫謐曰考哲王元辛丑崩乙卯

子威烈王午立考王封其

弟於河南

正義帝王世紀云考哲王封弟揭於河南續周公之官是為西周桓公按自敬王遷都成

周號東周也桓公都玉城號西周桓公

是為桓公以續周公之官職桓公

卒子威公代立威公卒子惠公代立乃封其少子於鞏

集解徐廣曰惠公之子也正義鞏奇拱反郭緣生述征記鞏縣周地鞏伯邑史記周顯王二年西周惠公封少

子班於鞏以奉王室為東周

以奉王號東周惠公

索隱考王

惠公也子武公為秦所滅

封其弟於河南為桓公卒子威公立卒子惠公立長子曰西周公又封少子於鞏仍襲父號曰東周惠公於是

有東西二周也按世本西周桓公名揭居河南東周惠公名班居洛陽是也

威烈王二十三

年九鼎震命韓魏趙為諸侯二十四年崩

集解徐廣曰皇甫謐曰元

丙辰崩已卯駟案宋忠曰威烈王葬洛陽城中東北隅也

子安王驕立是歲盜殺楚

聲王安王立二十六年崩

集解皇甫謐曰安王元庚辰崩乙巳

子烈王喜

立烈王二年周太史儋

索隱老子列傳曰儋即老子耳又曰非也驗其年代是別人正

義幽王時有伯陽甫唐固曰伯陽甫老子也按幽王元年至孔子卒三百餘年孔子卒後一百二十九年儋見

秦獻公然老子當孔子時唐固說非也

見秦獻公曰

正義秦本紀云獻公十一年見見後十五

年周顯王致文武胙於秦孝公是復合時也

始周與秦國合而別別五百載

復合

集解應劭曰周孝王封伯翳之後為侯伯與周別
五百載至昭王時西周君臣自歸受罪獻其邑三

十六城合也韋昭曰周封秦為始別為秦仲也五百歲
謂從秦仲至孝公彊大顯王致伯與之親合也索隱按

周封非子為附庸邑之秦號曰秦嬴是始合也及秦襄
公始列為諸侯是別之也自秦列為諸侯至昭王五十

二年西周君臣獻邑三十六城以入於秦凡
五百一十六年是合也云五百舉其大數

合十七歲

而霸王者出焉

集解徐廣曰從此後十七年而秦昭王
立駟案韋昭曰武王昭王皆伯至始皇

而王天下索隱霸王謂始皇也自周以邑入秦至始皇
初立政由太后嫪毐至九年誅毐正十七年正義周始
與秦國合者謂周秦俱黃帝之後至非子未別封是合
也而別者謂非子末年周封非子為附庸邑秦後二十
九君至秦孝公二年五百載周顯王致文武胙於秦孝
公復與之親是復合也合十七歲而霸王者出謂從秦

孝公三年至十九年周顯王致胙於秦孝公是霸也孝
公子惠王稱王是王者出也然五百載者非子生秦侯
已下二十八君至孝公二年都合四百八十
六年兼非子邑秦之後十四年則成五百載
十年烈王

崩弟扁立

正義扁
邊典反

是為顯王顯王五年賀秦獻公獻公

稱伯九年致文武胙於秦孝公

集解駟案胙腍肉也左
傳曰王使宰孔賜齊侯

昨日天子有
事於文武

二十五年秦會諸侯於周二十六年周致

伯於秦孝公三十三年賀秦惠王三十五年致文武胙

於秦惠王四十四年秦惠王稱王

正義秦本紀云惠王
十三年與韓魏趙並

稱其後諸侯皆為王

索隱謂韓
魏齊趙也

四十八年顯王崩子慎

覲王定立慎覲王立六年崩子赧王延立

索隱皇甫謐云名誕赧非

謚謚法無赧正以微弱竊鈇逃債赧然慙愧故號曰赧耳又按尚書中候以赧為然鄭玄云然讀曰赧王劭按

古音人扇反今音奴板反爾雅面慙曰赧

王赧時東西周分治

索隱西周河南也東周鞏

也王赧微弱西周與東分主政理各居一都故曰東西周按高誘曰西周王城今河南東周成周故洛陽之地

王赧徙都西周

正義敬王徙王城東從成周十世至王赧徙成周西從王城西周武公居焉

西周武公之共太子死

集解徐廣曰惠公之長子索隱按戰國策作東周武公

有

五庶子毋適立司馬翦

正義翦音子踐反楚臣也

謂楚王曰不如以

地資公子咎為請太子左成曰

正義楚臣也

不可周不聽是

公之知困而交疎於周也

正義言以地資公子咎請為太子周若不許是楚於周交

益疎不如請周君孰欲立以微告翦

正義楚命翦適周諷周君欲立誰以微言

告於翦令楚賀之以地周果立咎為太子也此以上至西周武公是楚令周立公子咎為太子也

翦請

令楚賀之以地果立公子咎為太子八年秦攻宜陽

正義

括地志云故韓城一名宜陽城在洛州福昌縣東十四里即韓宜陽縣城也

楚救之而楚以

周為秦故將伐之

索隱宜陽韓地秦攻而楚救之周為韓出兵而楚疑周為秦因加兵伐周

蘇代為周說楚王曰何以周為秦之禍也

索隱蘇代為周說楚王王

何以道周為秦周實不為秦今王責周為秦周懼楚必入秦是為禍也

言周之為秦甚於

楚者欲令周入秦也故謂周秦也

索隱周秦相近秦欲
并周而外睦於周故

當時諸侯
咸謂周秦

周知其不可解必入於秦此為秦取周之精

者也

正義解音紀買反代言周若知楚疑親秦其計定
不可解免周必親於秦也是為秦取周精妙之計

為王計者周於秦因善之不於秦亦言善之以疏之於

秦

正義代言為王計者周親我因而善之周
不親亦言善之楚若善周周必疏於秦也

周絕於秦

必入於郢矣

正義郢楚都也楚既親周秦必絕周
親楚矣以上至八年蘇代說楚合周

秦借

道两周之間

正義上借音精夕
反下音子夜反

將以伐韓周恐借之畏

於韓不借畏於秦史厭謂周君曰

正義厭烏減反又於
點反索隱周君西周

武公也時王赧微弱不
主盟會寄居西周耳

何不令人謂韓公叔曰

集解徐廣曰一

作何應劭曰氏姓譜
云以何姓為韓後

秦之敢絕周而伐韓者信東周也

公何不與周地發質使之楚

正義質音竹利反使音所吏反質使令公子及重臣

等往楚為質使秦疑楚又得
不信周也質平敵不相負也

秦必疑楚不信周是韓不

伐也又謂秦曰韓彊與周地將以疑周於秦也周不敢

不受秦必無辭而令周不受

正義又謂秦曰韓彊與周地令秦疑周親則周不敢

不受秦必無巧辭而令
周不敢不受韓地也

是受地於韓而聽於秦

索隱此史獻說

韓今與周地使質於楚令秦疑楚不
信周得不假道伐韓而猶聽命於秦

秦召西周君西周

君惡往故令人謂韓王曰

索隱按戰國策云或人為周君謂魏王

秦召西

周君將以使攻王之南陽也王何不出兵於南陽周君

將以為辭於秦

索隱高誘註戰國策曰以魏兵在河南為辭周君不往朝秦也

周君不

入秦秦必不敢踰河而攻南陽矣

正義南陽今懷州也杜預云在晉山南以

上至秦召西周君是西周君說韓令出兵河南謀秦也

東周與西周戰韓救西周

或為東周說韓王曰

正義為音于偽反蓋或人為東周說王令按兵毋出則周德韓矣

西周故天子之國多名器重寶王按兵毋出可以德東

周正義韓按兵不出伐東周而東周甚媿韓之恩德也而西周之寶必可以盡矣

正義韓出兵助西周雖不攻東周西周媿其佐助寶器必盡歸於韓以上至東周與西周戰是或人說韓今無

救西王報謂成君楚圍雍氏

集解徐廣曰陽翟雍氏城也戰國策曰韓兵入西周

西周令成君辯說秦求救當是說此事而脫誤也索隱如徐此說自合當改而註結之不合與楚圍雍氏連註正義雍音於恭反括地志云故雍城在洛州陽翟縣東北二十五里故老云黃帝雍作柝白所封也按其地時屬韓韓徵甲與粟於東周東周君恐召蘇代而告之代也

曰君何患於是臣能使韓毋徵甲與粟於周又能為君

得高都

集解徐廣曰今河南新城縣高都城也索隱高誘云高都韓邑今屬上黨也正義括地志云高

都故城一名郛郛城在洛州伊闕縣北三十五里

周君曰子苟能請以國聽子

代見韓相國曰

集解漢書百官表曰相國秦官駟謂韓亦有相國然則諸國共放秦也索隱相

國公仲侈也

楚圍雍氏期三月也今五月不能拔是楚病也

正義謂楚兵彊弱也

今相國乃徵甲與粟於周是告楚病也韓相

國曰善使者已行矣

索隱已止也

代曰何不與周高都韓相

國大怒曰吾毋徵甲與粟於周亦已多矣

正義言幸甚也

何故

與周高都也代曰與周高都是周折而入於韓也秦聞

之必大怒忿周即不通周使是以弊高都得完周也曷

為不與相國曰善果與周高都

正義以上至楚聞雍氏是蘇代為東周說韓令

不徵甲而得高都

三十四年蘇厲謂周君曰秦破韓魏扑師武

集解徐廣曰扑一作仆戰國策曰秦敗魏將犀武於伊闕

北取趙蘭離石者

集解地理志曰

西河郡有蘭離石二縣正義蘭音力刃反括地志離石縣今石州所理縣也蘭近離石皆趙二邑

皆白

起也是善用兵又有天命今又將兵出塞攻梁

正義謂伊闕塞

也在洛州南十九里伊闕山今名鍾山鄧元注水經云兩山相對望之若闕伊水歷其間故謂之伊闕按今謂之龍門禹鑿以通水也

梁破則周危矣君何不令人說白起乎曰

楚有養由基者善射者也去柳葉百步而射之百發而百中之左右觀者數千人皆曰善射有一夫立其旁曰

善可教射矣養由基怒釋弓搯劍曰客安能教我射乎

客曰非吾能教子支左詘右也

索隱按列女傳曰左手如拒右手如附枝右手

發之左手不知此射之道也又越絕書曰左手如附太山右手如抱嬰兒

夫去柳葉百步而

射之百發而百中之不以善息

索隱言不以其善而且停息息止也

少焉

氣衰力倦弓撥矢鉤一發不中者百發盡息

索隱息猶弃言并弃

前射今破韓魏扑師武北取趙蘭離石者公之功多矣今

又將兵出塞過两周倍韓攻梁一舉不得前功盡棄公

不如稱病而無出

正義以上至三十四年是蘇厲為周說白起無伐梁也

四十二

年秦破華陽約

集解徐廣曰一作厄正義六國年表云白起擊魏華陽芒卯走括地志云故華

陽城在鄭州管城縣南四十里是

馬犯謂周君曰請令梁城周

索隱華陽地名

司馬彪曰華陽亭名在密縣秦昭王三十三年秦背魏約使客卿胡傷擊魏將芒卯華陽破之是馬犯見秦破

魏約懼周危故謂周君乃謂梁王曰周王病若死則犯

必死矣

正義馬犯周臣也乃說梁王曰秦破魏華陽之軍去周甚近周王憂懼國破猶身之重病若死

則犯必死也

犯請以九鼎自入於王王受九鼎而圖犯

索隱圖謀

也犯謂梁王我方入鼎於王王當謀救援已也

梁王曰善遂與之卒言成周

正義

戍守也周雖未入九鼎於梁而梁信馬犯矯言遂與之卒令守周

因謂秦王曰

正義梁兵非成

周也將漸伐周而取九鼎寶器王若不信試出師於境以觀梁王之變也梁非成周也將伐

周也王試出兵境以觀之秦果出兵又謂梁王曰

正義馬犯

說秦得秦出兵於境又重歸說梁王也

周王病甚矣犯請後可而復之

索隱

按戰國策甚作齋犯請後可而復之者言王病愈所圖不遂請得在後有可之時以鼎入梁也正義復音扶富反復重也秦既破華陽軍今又出兵境上是周國病秦久矣犯前請卒戍周諸侯皆心疑梁取周後可更重請益卒守周乎今王使卒之周諸侯皆生心後舉事且不信不

若今卒為周城以匿事端

索隱梁實圖周九鼎且外遣卒戍周和合秦舉兵欲侵周

梁不救周是本無善周之事止是欲周危而取九鼎故諸侯皆心不信梁矣故不如匿事端使卒為周城正義

既諸侯生心不如令卒便為築城以隱匿疑伐周之事
端絕諸侯不信之心梁王遂使城周解諸侯之疑也

梁王曰善遂使城周

正義以上至四十二年是馬犯說梁王為周築城也

四十五

年周君之秦客謂周最曰

索隱最音詞前反周之公子也

公不若譽秦

王之孝因以應為太后養地

集解徐廣曰地理志云應今潁川城父縣應鄉是也

索隱戰國策作原原周地太后秦昭王母宣太后芊氏也正義括地志云故應城殷時應國在城父按應城此

時屬周

秦王必喜是公有秦交交善周君必以為公功交

惡勸周君入秦者必有罪矣

正義客謂周最曰周君與秦交善是最之功也與秦

交惡勸周君入秦者周最今必得勸周君之罪也以上至四十五年是周客說周最令周君以應入秦得交善而

歸秦攻周而周最謂秦王曰為王計者不攻周攻周實

不足以利聲畏天下天下以聲畏秦必東合於齊兵弊

於周合天下於齊則秦不王矣天下欲獎秦勸王攻周

秦與天下弊則令不行矣

正義令音力政反秦欲攻周最說秦曰周天子之國雖有

重器名寶土地狹少不足利秦國王若攻之乃有攻天子之聲而令天下以攻天子之聲畏秦使諸侯歸於齊秦兵空弊於周則秦不王矣是天下欲弊秦故勸王攻周令秦受天下弊而令教命不行於諸侯矣以上秦攻周是周最說秦也

五十八年三晉距秦周令其相國之秦以秦

之輕也還其行

正義以秦輕易周相故相國於是反歸周也

客謂相國曰秦

之輕重未可知也

正義言秦之輕相國重相國亦未可知

秦欲知三國之

情公不如急見秦王曰請為王聽東方之變秦王必重

公重公是秦重周周以取秦也齊重則固有周聚以收

齊

集解徐廣曰一作最亦古之聚字

是周常不失重國之交也

正義按周聚事

齊而和於齊周故得齊重今相國又得秦重是相國收秦周聚收齊周常不失大國之交也

秦信周

發兵攻三晉

正義三晉韓魏趙也以上至五十八年是客說周相國令報三國之情得秦重也

五十九年秦取韓陽城負黍

集解徐廣曰陽城有負黍聚正義括地志云陽城洛

州縣也負黍亭在陽城縣西南三十五里故周邑左傳云鄭伐周負黍是也今屬韓國也

西周恐倍

秦與諸侯約從

集解文穎曰關東為從關西為橫孟康曰南北為從東西為橫瓚曰以利合曰

從以威勢相脅曰橫正義按諸說未允關東地南北長為從六國共居之關西地東西廣廣為橫秦獨居之

將天下銳師出伊闕攻秦

正義西周以秦取韓陽城負秦恐懼倍秦之約共諸侯連

從領天下銳師從洛州南出伊闕攻秦軍令不得通陽城

令秦無得通陽城秦昭王

怒使將軍摎攻西周

集解駟案漢書百官表曰前後左右將軍皆周末官也正義摎音紂

虬反西周君犇秦

正義謂西周武公

頌首受罪盡獻其邑三十六

口三萬

索隱秦昭王五十年

秦受其獻歸其君於周周君王報

卒

集解宋忠曰謚曰西周武公索隱非也徐以西周武公是惠公之長子此周君即西周武公也蓋此時武

公與王赧皆卒故連言也正義劉伯莊云赧是慙耻之甚輕微危弱寄住東西足為慙赧故號之曰赧帝王世紀云名誕雖居天子之位號為諸侯之所役逼與家人無異名負責於民無以得歸乃上臺避之故周人名其臺曰逃

周民遂東亡秦取九鼎寶器而遷西周公於惡

狐集解徐廣曰惡音憚惡狐聚與陽人聚相近在洛陽南百五十里梁新城之間索隱西周蓋武公之太子

文公也武公卒而立為秦所遷而東周亦不知其名號戰國策雖有周文君亦不知滅時定當何主蓋周室衰微略無紀錄故太史公雖考衆書以卒其事然二國代系甚不分明正義括地志云汝州外古梁城即惡狐聚也陽人故城即陽人聚也在汝州梁縣西四十里秦遷東周君也梁亦古梁城也在汝州梁縣西南十五里新城今洛州伊闕縣也按惡狐陽人傍在三城之間

後七歲秦莊襄王滅東西周

集解徐廣曰周比亡之時凡七縣河南洛陽穀城平陰偃師鞏緄氏正義括地志云故穀城在洛州河南縣西北十八里苑中河陰縣城本漢平陰縣在洛州洛陽縣東北五十里十三州志云在平津大河之南也魏文帝改曰東西周皆入於秦周既不祀

集解皇甫謐曰周凡三十七王八百六十

七年索隱既盡也日食盡曰既言周祚盡滅無主祭祀正義按王赧卒後天下無主三十五年七雄並爭至秦始皇立天下一統十五年海內咸歸於漢矣

太史公曰學者皆稱周伐紂居洛邑綜其實不然武王營之成王使召公卜居居九鼎焉而周復都豐鎬至犬戎敗幽王周乃東徙於洛邑所謂周公葬我畢畢在鎬

東南杜中

集解徐廣曰一作杜

秦滅周漢興九十有餘載天子將

封泰山東巡狩至河南求周苗裔封其後嘉三十里地

號曰周子南君

集解瓚曰汲冢古文謂衛將軍文子為子南彌牟其後有子南勁朝於魏後惠

成王如衛命子南為侯秦并六國衛最為後疑嘉是衛後故氏子南而稱君也正義括地志云周承休城一名

梁雀塢在汝州梁縣東北二十六里帝王世紀云漢武帝元鼎四年東巡河洛思周德乃封姬嘉三千戶地方

三十里為周子南君以奉周祀元鼎三年嘉弟昭進爵為承休侯在此城也平帝元始四年進為鄭公光武建

武三年封姬觀為衛公顏師古云子南其封邑之號故總言周子南君按自嘉以下皆姓姬氏著在史傳瓚言

子南為比列侯以奉其先祭祀

集解徐廣曰自周亡乙巳至元鼎四年戊辰一

百四十四年漢之九十四年也漢武元鼎四年封周後也

索隱述贊曰后稷居邠太王作周丹開雀錄火降烏
流三分既有八百不謀蒼兕誓衆白魚入舟太師抱
樂箕子拘囚成康之日政簡刑措南巡不還西服莫
附共和之後王室多故壓弧興謠龍虬作蠹頽帶挂
禍實傾
周祚

史記卷四

史記卷四考證

周本紀周后稷正義地理志云右扶風縣岐山西北中
水鄉○漢書地理志右扶風美陽縣下云岐山在西
北中水鄉似脫一在字

曰姜原○監本將集解韓詩章句文混入正義內今改
正

踐之而身動如孕者居期而生子○毛詩生民疏曰馬
遷之言未可信也

號曰后稷○困學紀聞曰詩正義曰稷之功成實在堯時其封於邠必是堯之封故箋傳皆以為堯本紀以后稷之號亦起舜時其言不可信也臣照按棄為農師固在堯時而舜典明有汝后稷播時百穀之文本紀之言何不可信

亞圉卒子公叔祖類立○路史發揮曰杜預釋例云高圉僕密九世孫而史索亦以辟方侯倖為皆二人斯得之矣獨史記乃無辟方侯倖雲都諸謚至皇甫謐

遂以為公非高圉亞圉祖紺之字蓋牽于單穆公十
四世之說乃合二人以為一耳臣照按三伐以還典
籍湮沒非詩書所載但可存而弗論必欲伸此紕彼
有如捕風

踰梁山正義梁山橫長其東當陽西北臨河○推尋文
義陽字上脫一字據地理志宜是櫟陽

季歷娶太任正義國語曰摯疇二國任姓奚仲仲虺之
後○此非國語文乃韋昭注國語文也

此一物足以釋西伯況其多乎索隱一物謂嬖氏之美女也○別本此下有以殷紂淫昏好色故知然十字于是虞芮之人正義括地志云故芮城縣西二十里古芮國也○推尋文義應云故芮城在芮城縣西二十里

後七年而崩○毛詩文王疏曰尚書武成篇曰我文考文王克成厥勲誕膺天命惟九年大統未集孔安國云言諸侯歸之九年而卒故大業未就劉歆作三統

歷考上世帝王以為文王受命九年而崩班固作漢書律歷志載其說於是賈逵馬融王肅韋昭皇甫謐皆悉同之文王九十七而終終時受命九年受命之元年年八十九其即諸侯之位已四十二年矣故帝王世紀云文王即位四十二年歲在鶉火文王於是更為受命之元年始稱王矣乃引周書稱文王受命九年惟暮之春在鎬召太子發作文傳九年猶召太子明其七年未崩故諸儒皆以為九年而崩其伏生

司馬遷以為文王受命七年而崩故尚書周傳云文王受命一年斷虞芮之訟二年伐邾三年伐密須四年伐犬夷五年伐耆六年伐崇七年而崩史記周本紀云西伯陰行善諸侯皆來決平虞芮既讓諸侯聞之曰西伯蓋受命之君也此是受命一年之事又曰明年伐犬夷明年伐密須明年敗耆國明年伐邾明年伐崇侯虎而作豐邑明年西伯崩此雖伐犬夷與伐耆伐邾其年與書傳不次要亦七年崩也又尚書

武成疏曰伏生司馬遷韓嬰之徒不見此書以為文
王受命七年而崩故鄭玄等皆依用之然則史記本
文是七年而正義則依尚書武成等書謂當是九年
故曰七當為九也監本七字皆訛作十字今俱改正
百夫荷罕旗以先驅○汲冢周書作百夫荷素質之旗
於王前

命南宮括散鹿臺之財○汲冢周書作南宮忽

命南宮括史佚展九鼎保玉○汲冢周書作乃命南宮

百達史佚遷九鼎三巫注云三巫地名

黃帝之後於祝帝堯之後於薊○樂記封黃帝之後於薊封帝堯之後於祝與此異

登幽之阜以望商邑○汲冢周書作升汾之阜

維天建殷其登名民三百六十夫不顯亦不賓滅以至

今○

臣照

按向以賓滅斷句而又不可得其解故索

隱改賓為擯言不即擯滅若然則是武王滅殷之後又以紂子武庚未殄而不暇寐也豈聖人之心哉且

於上文登名民三百六十句又如何可通竊謂滅字
應從下句讀言維天建殷而登名民三百六十可謂
濟濟多士矣殷王不能顯之亦不能賓之是故滅以
至今即詩殷鑒不遠之意故下文云我未定天保何
暇寐求賢以自輔而輾轉反側也三百六十斷句夫
不顯亦不賓斷句乃可通

日夜勞來我西土索隱七字連作一句讀○汲冢周書
度邑解文今其文曰四方赤宜未之我於西土益訛

易不可解又一本我字上有定字索隱七字作八字
東伐淮夷殘奄集解鄭玄曰奄國在淮夷之北○尚書
疏引鄭云奄蓋在淮夷之地故孔穎達以為亦未能
詳

申告以文王武王之所以為王業之不易務在節儉毋
多欲以篤信臨之作顧命○王若虛辨惑曰今其書
但載成王末命使之率循大卞燮和天下以荅揚文
武之訓而已曷嘗有二公申告之事哉

臣照按馬遷

之意即指康王之誥上半篇所言太保暨芮伯咸進相揖曰敢告天子云云耳蓋顧命與康王之誥本相連屬或古本於惟予一人釗報誥以下為康王之誥以上皆屬顧命亦未可定不得據以訾遷也

康王即位徧告諸侯宣告以文武之業以申之作康誥
○王若虛辨惑曰以書考之此篇乃康王之誥耳若康誥則成王所以命康叔者也其謬誤如此且本紀既先序周公作康誥酒誥等篇而於此復云書豈有

兩康誥耶

臣照

按馬遷或本作康王之誥而相傳之

訛致脫王之二字或此篇本亦名康誥後世以兩康誥而改此為康王之誥俱未可定不得指為惑而強辨也

穆王即位春秋已五十矣○孔安國書傳云穆王即位過四十矣孔疏云不知出何書也

共王弟辟方立○三代世表無辟字

瞽獻典○

臣照

按今國語及此紀皆作瞽獻典襄十四

年左傳瞽為詩正義引周語作瞽陳曲韋昭云瞽陳
樂曲獻之於王字書冊置几上曰典曲即冊字六即
几字如堯典舜典之屬非瞽之所應獻瞽陳樂曲於
義為長

幽王二年西周三川皆震○國語作幽王三年

鄭宛與魯易許田○宛監本訛作怨今改正

二十五年惠王崩○年表在二十四年

襄王母早死後母曰惠后惠后生叔帶○左傳疏曰二

十四年傳曰不穀不德得罪於母氏之寵子帶書曰
天王出居於鄭辟母弟之難也如彼傳文則襄王與
子帶俱是惠后所出但其母鍾愛其少子故欲廢太
子而立之周本紀云襄王母早死後母曰惠后生叔
帶與傳不同

叔帶奔齊○襄王四年魯僖十二年也叔帶奔齊在四
年此入三年年表亦然皆與左傳不符

十二年叔帶復歸於周○左傳叔帶復歸在魯僖二十

二年於襄王為十四年年表亦然此作十二年蓋誤
十三年鄭伐滑○春秋經伐滑在魯僖二十年於襄王
為十二年

十五年王降翟師以伐鄭王德翟人將以其女為后○
左傳魯僖二十四年夏狄伐鄭取櫟於襄王為十六
年國語作十七年此與王紕翟后玩左傳文似一年
事史記分載兩年

襄王乃賜晉文公珪鬯弓矢為伯以河內地與晉○左

傳魯僖二十八年天王狩於河陽賜晉文公珪鬯弓矢為伯此是後事

三十二年襄王崩○此是三十三之誤合左傳及年表証之自知

子靈王泄心立○晉語作大心

二十年景王愛子朝欲立之會崩○左傳及年表景王二十五年崩此云二十年蓋脫五字

四十二年敬王崩

臣世駿

按陸德明左傳釋文曰按

傳敬王崩在此年世本亦爾世族譜云敬王四十二年崩敬王子元王十年春秋之傳終矣據此則敬王崩當在哀公十七年史記周本紀及十二諸侯年表敬王四十二年崩子元王仁立則敬王是魯哀十八年崩也六國年表起自元王及本紀皆云元王八年崩子定王介立定王元年是魯哀公之二十七年與杜預世族譜為異又世本云魯哀公二十年是定王介崩子元王赤立則定王之崩年是魯哀公二十七

年也衆說不同未詳孰是

王赧時東西周分治索隱西周河南也東周鞏也王赧微弱西周與東分主政理各居一都故曰東西周按高誘曰西周王城今河南東周成周故洛陽之地○大事記曰周貞定王二十八年考王初立封其弟揭於河南是為河南桓公河南即邲鄆武王遷九鼎周公營以為都是為王城洛陽周公所營下都以遷頑民是為成周平王東遷定都王城王子朝之亂敬王

徙都成周至是考王以王城故地封桓公焉平王東
遷之後所謂西周者豐鎬也東周者洛陽也何以稱
河南為西周自洛陽下都視王城則在西也何以稱
洛陽為東周自河南王城視下都則在東也河南桓
公卒子威公立威公卒子惠公立考王十五年河南
惠公復自封其少子班于鞏以奉王號東周沒亦諡
惠是時東西周雖未分治河南惠公既號奉王者為
東周亦必自號西周矣顯王二年趙與韓分周為二

於是東西各為列國顯王雖在東周特建空名是後
史傳所載致伯賜胙之類者周王也征伐謀策稱東
西周君者皆謂二周也周本紀云赧王時東西周分
治非也赧王特徙都西周耳當以趙世家為正

史厭謂周君○戰國策作史厭

還其行○徐孚遠曰按戰國策作留其行注留不進也
此還字恐是遲字之誤

史記卷四考證

謹案第一頁前八行右扶風美陽縣岐山在西北
中水鄉刊本脫美陽字在字據漢書地理志增
第二頁前六行故釐城一名武功城在雍州縣西
南二十二里案縣上脫武功二字

第三頁前七行八行即漢漆沮縣考漢志作漆縣
此沮字衍

第四頁後四行國語注刊本注訛去今改

第四頁後五行大姜有呂氏女刊本呂訛邵今改

第五頁後七行殷時諸侯孤竹國也刊本脫孤字
據伯夷列傳正義增

第十三頁後八行薛綜曰旂旗名刊本旂訛旒據
東京賦注改

第十六頁前三行薊城西北隅有薊丘刊本城訛
則據水經注改

第十六頁前六行周武王弟叔鮮所封刊本脫鮮
字今增

第十八頁前一行三塗在陸渾南刊本渾訛澤據
左傳注改

第十八頁前二行三行東北接碣石西北接嶽山
刊本脫西北二字考地理增

第十八頁前三行恒山在洛東北刊本脫恒字考
地理增

第二十四頁前七行周禮注刊本注訛云今改又
目不直則視眇周禮注眇作眊與此異

第二十四頁後四行惟反惟內惟貨惟來案呂刑
惟反上有惟官二字此脫

第二十五頁前一行錡亦六兩刊本錡訛鏹下同
據周禮注改

第二十五頁後七行御婦官也刊本婦訛妻據國
語注改

第二十七頁後四行傳以語士案國語注作傳以
語王

第二十八頁後四行魯連子云衛州共城縣案魯連子不得言唐時州縣應有脫誤

第二十九頁後三行南國江漢之間刊本間訛門據國語注改

第三十七頁後一行二行在秦晉西北刊本脫晉字據左傳注增

第四十四頁前四行黃帝雍杵臼所封也案韓世家正義作黃帝臣雍父作杵臼所封也此有脫

第四十五頁前三行西河郡有蘭離石二縣刊本
蘭上行趙字據地理志刪



總校官庶吉士臣侍朝

校對官檢討臣王鍾健

謄錄貢生臣李敬敏